



# MONSTRORVM HISTORIA

MEMORABILIS,

MONSTROSA HVMANORVM  
PARTVVM MIRACVLA, STVPENDIS  
CONFORMATIONVM FORMVLIS


ab utero materno enata, viuis exemplis, obser-  
uationibus, & picturis, referens.

*Accessit Analogicum Argumentum*

DE MONSTRIS BRVTIS.

SVPPLEMENTI LOCO AD OBSERVATIONES MEDI-  
cas SCHENCKIANAS edita

JOANNE GEORGIO SCHENCKIO A GRAFENBERG FILIO,  
*Philiatro, Hagenoensium Alsatia Poliatro, Comitisque Ha-  
noensis Physico Medico.*



FRANCOFVRTI,

Ex Officina Typographica MATTHIÆ BECKERI, Impensis  
duz Theodori de Bry, & duorum eius filiorum.

ANNO M. DC. IX.

МОНЕТНО-МЕДИЙНОЕ УПРАВЛЕНИЕ

ПРОЦЕДУРА

УПРАВЛЕНИЯ

ОБЪЕДИНЕННАЯ КОЛЛЕКЦИЯ

ОБЪЕДИНЕННАЯ КОЛЛЕКЦИЯ

ОБЪЕДИНЕННАЯ КОЛЛЕКЦИЯ


ОБЪЕДИНЕННАЯ КОЛЛЕКЦИЯ

ОБЪЕДИНЕННАЯ КОЛЛЕКЦИЯ

ОБЪЕДИНЕННАЯ КОЛЛЕКЦИЯ

33571/11

ОБЪЕДИНЕННАЯ КОЛЛЕКЦИЯ



УПРАВЛЕНИЕ

ОБЪЕДИНЕННАЯ КОЛЛЕКЦИЯ

ОБЪЕДИНЕННАЯ КОЛЛЕКЦИЯ



ILLVSTRISSIMO PRINCIPI  
AC D. D. IOANNI AVGVSTO,  
COMITI PALATINO RHENI,  
BOIARIÆ DVCI, COMITI IN  
Veldentz &c. Principi & Da. Svo  
Clementissimo.



*ISTORIAM MONSTRORVM, multa admiratione dignam, plenam verò physicis exemplis in lucem profero: ILLVSTRISSIME PRINCEPS, DOMINE CLEMENTISSIME. Ludit sane Nature Genius mirificè in conceptibus & conformationibus Animalium, hominis aequè atque brutorum: & præter vernaculam imaginem, eam quæ primi Plasmatis fuit, peregrinas sæpè atque monstrosas partium conformationes, admirandas certè icones & oculis inuisas, imprimit. Infelix nempe Error quidam, ob luxuriantis materiae copiam siue paupertatem, veletiam indispositionem matricum intrinsecus; imò etiam, hausto forinsecus ido-*

## E P I S T O L.

lo atque imaginaria impressionis nota, quæ per spiritus in interiora principiorum hypostaticorum delabitur, turpi utique & absurdo planeque inuerso atque sinistro molimine, interdum affingitur. Physica profectò hæc sunt miracula, Monstrorum nomine publicitus dicta; quotiescunque videlicet secus consuetam Naturæ legem & normam, secus naturalem conformationem & concorporationem in vtero materno effigiatam, peregrina quæpiam toti corpori vel eiusdem partibus atque appendicibus, Effigies & Character substantiæ eius, imprimitur. Huius generis Exempla rarissima, stupenda, planè memorabilia, authenticis & fide dignis hominum observationibus coaceruata titulo HISTORIÆ MONSTRORVM impræsentiarum congeessimus: & veluti supplementum ad Opus observationum Paternum digessimus. Quâ in re, quæ viri doctissimi, in monstrosis Hominû & Brutorum Conformationibus, magno naturæ errore, nec sine vitæ detrimento, perpetuo autem hominum despectu, præsentiverrò multorum interitu, accidere compererunt; viuis tum exemplis tum iconibus, posteritati retinentissima in admirationem conscripsimus. Inter hæc, alibi naturæ luxuriam meritissimo culpet lector: quoties gemellos connatos, bicipites, quadrumanes, tripedes, quadrupedes, gigantes, & hermaproditos conspexerit: alibi verò eiusdem deficientis pauperiem redarguat, quoties pygmaeos, acephalos, solipedes, vni-

manos

## D E D I C A T I O

*manos, apodes, & si quos alios inaudiuerit: alibi denique, ne longior sim, absurdam totius corporis aut partium figuram damnauerit, cum tot peregrinos & turpes hominum conformationes, brutas & inhumanas, omnes profecto monstruosas & memorabiles obseruauerit, veluti anthropodamones, homines bestias, cornutos, homines vsos, canes, porcos, simias, & belluas vel ipsis hominibus formidabiles. Nam & totam embrii hominis Massam in Lapidem & Saxum concreuisse res omnibus seculis inaudita fuerit, dignissima vero qua ad Posteritatis memoriam perennem transmittatur. Imaginationis autem vel solius tanta vis est, ut & ipsa per potentem impressionem Imaginum altius infixarum, pertinacius haustarum ac conceptarum, intermedio spiritu mechanico opifice plastico, mirabiles figuras, formas, icones & imagines operetur: hinc tot & tot stigmata, naui natiui, characterisini uuarum, vini rubri, fructuum, carniuum, imprimuntur, quarum rerum neque finis ullus neque vero modus ullus deprehendatur. Ut omittam reliquas occasiones vel Astri influentis, vel Indispositionum quarumcunque impedimenta: quae omnia luculentissimis Exemplis, quibus rectissime docemur, comprobamus & confirmamus.*

*Hanc vero DE MONSTRIS HISTORIAM, Honori Virtuti Clementiaeque Illustriss. Celsit. Tuae Lubens merito inscripsi, dedicaui, consecraui. Ad quod faciendum, Duas*

EPIST. DEDICAT.

principes causas habui, quarum pondus & momentum hinc me impulerunt. Prima ex his est, singularis illa Celsit. T. Virtus Heroica, Sapientia Prudentia domi forisque cum consilio administrata, arcana denique scientia Naturæ Mirabilium: quibus omnibus & longe pluribus Celsitudo Tua Floret hodieque non sine inclita Laude & Prædicatione. Secunda: Ut Celsitudini Tuæ Animum meum in Cultu & Observatione Clientem, luculento argumento publice probarem, studia & officia mea inscriberem, offerrem, commendarem. Quare ut hanc Nuncupationem Illustriss. Celsitudo Tuæ Clementissimo animo acceptet, maiorem in modum rogo. Summus animorum Medicus qui in caelis est, Illustrissimam Celsitudinem Tuam in multos annos superstitem florentemque tueatur & seruet. Scripsi Hagenoâ Imperiali opido & Camera a. d. 12. Kal. Mart. ∞ . DC. IX.

Illustrissimæ CELSITVD. Tuæ  
Cliens

IOAN. GEORGIUS SCHENCK-  
IVS à Grafenberg Piliater, Ha-  
genoenfium Alfatix Poliater,  
Comitisque ab Hanav  
Physicus Medicus.









MONSTRORVM HI-

STORIA.

ACEPHALI,

SEV MONSTRA HVMA-

NA PRODIGIOSE ABSQVE

CAPITIBVS IN LV-

cem edita.

ACEPHALOS SEXVS FOEMINEI,

*sen humanus partus monstruosus sine capite.*



ANNO Domini 1562. Calendis Nouembris, Villæfrancæ in Vasconia, natum est monstrum, fœmina acephalon: cuius imaginem à Fontano Agenensi Medico, qui se id vidisse sancte affirmabat, acceptam mihi de monstris cõmentationem paranti obtulit Ioannes Altinus Doctor

Medicus. Pareus lib. 24. cap. 6. Quod ad iconem attinet, circa colli regionem tuber exprimit subacutum, auersa corporis partibus singulis scapulis rudimenta quædam papillarum, ex spirali linea ductarum, apparent, ex quarum demissiore regione media rostellum incuruum elephantis proboscidi haud absimile exprimitur: quæ si inuicem conferantur, oculorû, nasi, atque adeo faciei imaginem quandam præbent. Humeris ab vtraque parte, vel auribus vel oculis quid simile incumbere conspicitur. Cætera muliebri corpus affabre compactum referunt: nisi quod vmbilicus paulo longius propendat, & capite in vniuersum careat. Atque hæc ex nuda icone descriptio.

MONSTRVM HVMANVM SINE

*capite natum. aliud.*


ANNO salutis nostræ millesimo quingentesimo vigesimo quinto, infans Wittembergæ sine capite natus. Conradus Lycosthenes Chronologicus opere suo de prodigiis & ostentis.

A

ACE

DE MONSTRIS  
ACEPHALOS: HOMO SINE CA-  
pite natus, cui oculorum effigies in pectore expref-  
sa fuerit.

L.



Anno

**A**Nno post natū Christū supra millesimū quingentesimo quinquagesimo quarto, in Misnia infans natus est absq; capite, oculorum effigie in capite expressa. Iobus Fincelius, de miraculis nostri temporis.

**M O N S T R O S V S I N F A N S M A S C V L V S,**  
*cuius caput, & genuina facies præter alia monstruosa tegumento carneo obuelata fuit.*

2.

**I**N agro Mechelburgensi Greuesmulen istiusmodi cuius Iconem adponimus, monstrum à Sartoris vxore, anno supra millesimum quingentesimo septuagesimo octauo, editum est. Infans fuit masculus corpore integro probe compacto, nisi quod caput in eo supra modum à communi Naturæ lege aberrauerit. Fuit omnium primo infantis huius genuina facies tegumento quodam carneo, pulmonum alteriusque obscure faciē formam præferente, obuelata. Quod si in faciem incumberet, oculi, os & nasus non conspiciebantur, sic vt minime constaret num ea subtus laterent: sed os oculique concluderentur, nasus vero deprimebatur aliquantulum. Tegumento sublato detectoque & ad superiora tracto, caput faciesque pileum oblongum Turcicum vel Tiaram imitabatur. Carebat craneo caput, cæterisque ossibus, vnde coniectura fuit caruisse non minus cerebro. Auriculæ defuerant, regionem earum Turcico illo pileo occupante. Atque si fictitia & adulterina hæc facies, quam carneum tegumentum nominamus, à genuina infantis facie liberaretur, & huiusmodi oblonga capitis constitutio adparet, visum est os immani hiatus aperiri & expandi in modum horrende clamantium. Infans destituebatur lingua eiusdemque interior oris regio non aliter quam vel sanguine vel coruscante igne plena iudicabatur. Oculi patentes & patuli nullam pupillam continebant, sed aspectu formidabiles, interiori parte instar sanguinis ignisque rubescebant, vnde intuentibus terribiles visi sunt. Nasus æmulabatur nasum simum canis fæmellæ. Præterea fuit collum inusitata longitudinis & molle, adeo vt collo in rectum constituto caput retrorsum vel in dorsum vel antrorsum in pectus, vel ad alterutrum latus & omoplatam per inclinationem decumberet. Cæterum, quod non minus admiratione dignum censemus, fuit dextra manus in hoc monstruoso factu semper expansa, sinistra vero clausa, & veluti in pugnum contracta, quæ etiam ad aperta, digitis ad contracturam pronis & in volam coeuntibus,

bus, nihilominus semper iterum clauderetur. Quod ad cæterorum membrorum, totiusque reliqui corporis conformationem attinet, nihil occurrebat quod MONSTRUM notam præfulerit. Ex charta Doctoris Simonis Pauli, anno 1578. patria lingua publicata.

INFANS MONSTROSO ET HORRIBILI capite hirsuto, canis vel cati simillimo.


3.

An. post natū Christū millesimo quingētesimo quinquagesimo sexto, Basileæ Rauracorū puellus natus est crudeli aspectu, corpore quidē satis bene cōpacto, sed capite hirsuto, canem aut catum magis, vel simiam, quā hominem referente, vixit autem circiter horam dimidiam. Conradus Lycosthenes Historiographus opere suo de prodig. & ostentis.

MONSTRUM HUMANVM, PRODIGIOSO capite, canem vel simiam referente.

Anno supra millesimum quadringentesimum decimum quartum monstrum habens caput caninum, & cætera membra sicut homo, præsentatur Ludouico. Fasciculus temporum.

PARTVS

PARTVS MONSTROSVS, MON-  
strofo & horrendo natus capite, &c.

**Q**uinto Calend. Septembris anni 1544. Argentinæ, nobilis Alsatiæ  
Metropolis, infans fœminei sexus, horrendo, monstrofo, atque in  
superiori parte aperto plane capite, lato ore, bouinis oculis, naribus a-  
quilinis natus. Lycosthenes Chronic. de prodig. & ostent.

INFANS CORNUTO CA-  
pite natus.

**N**atus est puer cum corniculo in capite: non dolebat, nec quicquam  
obnoxii ex eo percipiebat: grandior vero factus puer, cornu quoq;  
creuit, quod omnino deponendum ex capite puer contendebat & à patre  
efflagitabat, ob id quod pueri illum cornutum appellabant: accersito igitur  
chirurgo plus iusto audace: primo partem superiorem præcidit, ex qua  
incisione nullum fere puer dolorem sensit: Chirurgus vero credens ita

euenturum si radicibus corniculum refecerit, opus aggreditur, sed infelici successu, breui enim, vel intra paucas horas puer obiit, nec mirandum, cum cornu illud prædurum in parte inferiori, conflatum ex craneo & medullari Cerebri substantia esset. Amat. Lusit. Centur. i. Curat. 17.

**M O N S T R U M C O R N U T U M , O R E**  
*patulo, oculis crassis ac prominentibus, absq<sup>ue</sup> collo, cæteris*  
*membris monstroso constitutis.*

5.

**A**Nno 1551. In Marchiæ villa Dammenwalde prope Witstock, coloni cuiusdam coniunx monstrum huiusmodi edidit. Infans toto corpore fuit spadiceo colore, capite cornuto, oculis crassis, prominentibus absque naso, patulo ore, quod longitudine spithamæ distentum fuit, in cuius mediolinguâ candida eminuit, & quadrata, colli expers. Caput enim scapulis accreuit, corpus totum inflatum & rugosum, brachia in lumbis hæserunt, pedes longe tenuissimi. Ab umbilico autem species longi intestini dependebat ad pedes. Iobus Fin-  
 celius de miraculis.

HUMANIS.  
INFANS PRODIGIOSVS,  
*cornibus in capite positis.*

8



**A** Nno 1233. In Rathstadio oppido in Alpibus Noricis, quas Taurum incolae vocat, infans cornutus natus est, vagitus eius atque ploratus quatuordecim dies, quam ederetur, auditus. Lycofth. Chronic. de prodig. & ostent.

F O E T V S E I V S M O D I M O N S T R O -  
*sus alius, quinq; cornua sibi aduersa, & arietinis similima  
in capite habens.*

**A** Pud subAlpinos in Quiero decem à Taurino miliaribus posito oppidulo anno Domini 1578. die 17. Ianuarii ad octauam horam vespertinam honesta matrona foetum peperit, cornua quinque sibi aduersa, & arietinis similia capite gerentem: cui praeterea à summa fronte ad occiput in dorsum fere totum praelongum carneum frustum pendebat, capitii mulie-



muliebris instar habens. Circa collum vero alia caro duplex aduoluebatur, tanquam collare subuculæ. Extrema vtriusque manus digitorum vncos rapacium auium referebant, genua tanquam in poplitibus erant. Crus dextrum, pes item dexter rubro colore præfulgebant. Reliquum corpus boëtico erat colore, magno cum clamore in lucem prodiiſſe dicitur, quo sic consternatæ obstetrices, & reliquæ mulieres clinicæ fuerunt, vt è vestigio in fugam se ab ædibus puerperæ dederint. De eo monstro cum sub Alpinorum princeps rescuiſſet, iussit id ad se adduci, nec dici potest, quam varia fuerint tum aulicorum de ipso iudicia. Amb. Pareus libr. 24. cap. 2.

ROSTRIS ET ALIIS ANSERINIS NATI.

**A**Nno 1012. tempore Henrici II. gemini nati in Saxonia rostris & alis Anserinis occisi ob aspectus fœditatem. M. Weinreichius de Monstris p. 56

FŒTVS FACIE RANALI.

**A**Nno Domini 1517. in Bosci Regis Paroecia, in Biera Sylua, via ad f. n. tem Bellæaquæ natum est monstrum facie ranali, visum Ioanni Bellangerio Machinariæ Regiæ Chirurgo coram Harmonii oppidi iustitiæ custodibus, in primis Ioanne Bribono, eius loci Procuratore Regio. Pater vocabatur Amadæus Paruus, Mater Magdalena Sarbucata. Hæc febre diuexata mulierculæ cuiusdam consilio ranam viam manus palmæ affixerat, tamdiu detinendâ quoad immoreretur parti, eo habitu in viri amplexu venerat de nocte, & conceperat, eam Bellangerius, perspicaci ingenio Vir, monstrosæ deformitatis fœtus causam esse arbitrabatur. Ambrosius Pareus lib. 24. cap. 7. Operum suorum.

INFANS NATVS: CVI PRÆTER


*alia monstrosa in vertice carnea massa: in ceruice vero quiddam murinæ caudæ simile agnatum gernebatur.*

7.

**S**Tetini anno 1554. accidit, vt infans in lucem editus nocte baptizaretur, qui diro modo corporis giratione, vociferationibus, & gestibus variis

variis aduersatus est pastori baptizaturus, vt terrorē omnibus adstantibus incuteret. Tandem pastor factis ad Deum ardentibus votis infantem baptizauit. Habuit ille in vertice massam carnis, imaginem præbens testudinis ruffæ, in ceruice caudam carnosam habuit instar muris, sed albescentem, qualis erat cutis sine pilis, capite erat Therfitico, oculis extantibus. Iacobus Fincelius de miraculis nostri temporis.

MONSTROSVS INFANS NATVS,  
*habens in fronte & occipite massam carnis.*



**F**Ribergæ anno Domini post millesimum quingentesimo, quinquagesimo, infans natus est obscuro vultu, qui in fronte & occipite massam carnosam duram & prominentem habuit. Lycosthenes Chronic. de prodig. & ostent.

DE MONSTRIS  
SINE OCVLIS ET NA-  
so nati.

**P**Veri ingenui Arimini sine oculis & naso nati. Lycosthenes anno mū-  
di 3772. Chronic. de prodig. & ostentis.

QVATVOR OCVLIS NATVM  
monstrum.

**A**Nno Domini 308. apud Daphnem amænum illud & ambitiosum An-  
tiochiæ suburbanum, visu relatuque horrendum, natum est Constā-  
tiii Imperatoris temporibus monstrum infans scilicet ore gemino, denti-  
bus cum binis, & barba, quatuor oculis, breuissimis duabus auriculis. I-  
dem lib. prodig. & ostent.

INFANS NATVS, SCISSIS  
ac apertis naribus.

9.


**B**Afileæ circa paschatis festum anno 1556. infans adeo scissis ac apertis  
naribus natus est, vt inde eius cerebrum facillime sit conspectum. Ly-  
costhenes.

P A R.

HUMANIS.  
PARTVS MONSTROSVS, OC-  
VLVS & auribus carens, & naribus deftitutus.

12

10.



**I**N Hassia infans bene distinctis mēbris natus est, nisi q̄ auribus in vniuersū careret, similiter oculis ac narib. ac in facie solū os haberet. Lycopost.  
MONSTROSVS PVER NATVS HA-  
genoa, subter naso Ouini oris caruncula & lingula, fissog, supe-  
riore labio insignitus.

11.

**A**Nno Christi ∞ 10 c. 11 x. a. d. iduum Septem. post horam diei quin-  
tam haud difficili partu in lucem venit Hagenoa Alsatia Puer Ma-  
sculus, absolutus quidem toto corpore & vnde quaque perfectus, nisi  
quod circa labii superioris & nasi Interstitium monstrosa Caruncula siue  
Proboscis illi agnata videbatur. Referebat haec Ouini oris & lingua vel-  
ut balantis subter labia extera Figuram: neque amplius occupabat supe-  
rioris labii spacium, quam nasus ipse produceretur, reliquo eodem supe-  
riore

B 2

riore labello ad vtrumque latus intersecto & fisso. Vnde factum, vt Puellus eiulans ore diducto, hiantibusque labii superioris alis, miram spectantibus faciem vultumque exhiberet. Caterum nasum ipsum huic Caruncula penitus connatum, & foraminibus consuetis imperuium solidumq; depræhendimus, vt proinde aeri per nares attrahendo nulla via pateret, quemadmodum alimento insuper hauriendo insigni impedimento Caruncula isthæc spectabatur. Animaduertimus autem expresse figuratam Lingulam veluti ouinam, in reliqua Caruncula proboscide manifeste existantem: tametsi nihilominus vera & naturali Lingua oretenus minime desitueretur. Causam à Matre sciscitantes, deprehendimus eam ipsam multis iam anhis capita ouina auersatam, quæ in macellis exerta & prominente lingua vulgo conspiciuntur: Eamque occasionem fastidii iam olim cepisse, ex quo maleficum & facinosum hominem publice vidit capite truncari, amputatumque caput linguam habuisse exertam. Vnde analogia facta, hanc effigiem memoria localis, (exemplarium & idearum retinentissima,) ad ouina capita balantia, domi frequentius exertis linguis conspicienda, retulit. Quam deinceps imaginem nullo negotio Fœtui Mater per imaginationis impressionem affingere potuit. Etenim ex quo prægnans fuit mulier, capita ouina (tametsi odisset) emit & comedit. Superuixit puer, ex quo hæc scripsimus, eidemque Ioannis Iacobi nomen inditum in sacro Fonte fuit. Hanc historiam Hagenoæ Alfatia obseruauit Ioannes Georgius Schenckius, Medicus, Hagenoensis R. P. Poliater.

A V R I B V S C A R E N S A -  
*lius infans.*

**Q**uarto Decembris anno 1556. Basileæ infans natus est virilis sexus catens auribus, quarum loco habuit duo tantum foramina, quæ tamen ita clausa erant, vt nihil inde audire potuerit. Vixit autem puellus valetudinarius vsque mensem Augustum, in cuius principio multis doloribus obiit. Lycosthenes.

H O M I N E S B R V T O R V M A V -  
*riculis.*

**A**libr. Vriculas instar brutorum in hominibus obseruauit. Columbus Anat.

INFANS MONSTROSVS, AVRES  
leporinas habens.

12.



13



**C**Racouia mulier in suburbana villa, cui Nigræ nomen est, ad duodecimum Calen. Nouemb. anni 1494. monstrum edidit, cætera quidem humana figura, sed collo & auribus leporinis, & vno grandiore intestino totum ventrem occupante, diducto rictu spirans. Lycosthen. Chron. de prodig. & ostent.

Anno 1593. D. Michaelis festo, Königsbergæ natus infans, virilis sexus, aure leporina, cum Italico longiusculo collari circa collum, necnon carnis portiuncula in capite, instar eius pileoli, quem nostra lingua Baretin vocant, barbaris piretum dicitur, quique iam olim virginibus nobilibus frequenti in vsu erat. Marchiæ auctor.

L A B I O C V R T O N A T A.

**F**amiliariter mihi aliquandiu conuixit apud Hagenoenses honesta matrona, patritiæ gentis, cui à prima in vtero materno cõformatione

B 3

labrum

labrum superius tam breue & curtum fuerat, vt superioribus dentibus tegendis minime sufficeret, non sine deformi aspectu. Cuius ipsamet probe gnara, inter confabulandum, mira industria & civilitate coram astantibus aut assidentibus labium extendendo, dentibusque inducendo, vitium hoc naturæ, tam pulchre tantaque arte tegebat, vt non nisi studiose obseruantes, facile falleret. Schenckius Senior.

## F I S S I S L A B I I S N A T I.

**A**liquos vidimus non integris, sed potius discissis labiis natos, qui non parum in fermone deficerent. Trincauella li. 5. c. II.


M O N S T R V M I N F O R M E , C O L -  
lo carens, cui loco auricula brachium eminebat, ca-  
terisq; membris prodigiøse conformatis.

13.

**I**N die trium Regum Stetini monstrum in suburbio natum est, tali forma. Capitis loco massa informis erat, mobilis vt exta ouilla. Loco vnus auriculæ brachium stabat, loco faciei cincinnus similis pilis felinis, & lupi piscis oua, per quæ inferius lucebant ocelli, vitrei & renidentes, os contractissimo erat foramine, sine labiis, nasus quoque minutissimus erat, absq; collo. Alterum brachium è latere prominebat. Sed neque pectoris neque dorsi effigies aderat, præterquam quod lineola notabatur rachi, nullius erat sexus, nec Androgynus. Cætera monstrum, brachia & longi pedes continuo osse rigeabant, sine iuncturis, cubitis & poplitibus. Manus & imi pedes erant molles, & penduli tanquam bis fracti, similes vnguibus curuis & aduncis lutræ. Mortuus editus est infans, quanquam viueret in aluo materna antequam ederetur in hanc lucem. Hoc monstrum describit Iobus Fincelius de miraculis huius temporis.

PARTVS MONSTROSVS SINE COL-  
lo, & enormi toto capite.

14.



**S**eptimo Idus Augusti anno 1557. apud nos Basileæ masculus natus est, Scorpore satis quidem bene compacto, sed sine collo, monstrosa plane facie, oculis insolitæ magnitudinis quasi in fronte sitis, ac superior capitis pars omnino deerat, in occipitio autem habebat foramen iustæ magnitudinis, ex quo sanguis aliquantulum fluebat, vnde statim postquam in lucem editus esset, diem suum obiit. Lycosthenes.

IN RECENS NATO PVELLO, Tumor farciminis instar dorso agnatus visus.

**N**Vper puellus natus est, elegans & viuendus, nisi quod in dorso, paulo supra pòdicem tumorem farciminis instar adnatum habebat. Quo Chirurgi opera aperto: præter saniem & puris modicum nihil effluxit. Eodem



dem vero Medicorum quorundam consilio in totum præciso puer in quarto die extinctus est. CL. V. Thobias Cneulinus Augustinus Medicus de obseruationibus ad D. Schenckium perscriptis.

F O E T V S M O N S T R O -  
S I B I C I P I T E S I N L V -  
C E M E D I T I .

PARTVS BICEPS, GEMINA FACIE, PE-  
*ctore bino, & duobus capitibus.*

**N**Otum est quam multa sunt relata prodigia in veterum annalibus & historiis, quantumque admiranda. Sed vnum præcipue hoc loco repetendum existimaui, præ cæteris, quæ vnquam scribantur, in signe atq; monstrificum. Traditum est in oppido quodam Emaus, Theodosio Cæsare imperante, puerum natum fuisse, qui vmbilico tenus integer extaret: supernæ autem partes eiusdem gemina facie apparebant, vt duo pectora, totidemque capita essent, suis partibus ac sensibus prædita. Nam & vna pars aliquando cibus & potione utebatur, altera abstinebat. Sic itidem in somno, quiete varie ac differenter se habebant, vt vicissim lusitarent, & risu, & lachrymis tenerentur, mutuisque plagis se cæderent, ac si diuersis animis atque ingenio forent. Annis autem prope duobus vixerunt. Factum deinceps est, vt cum alter periret, qui superfuit, quadriduo post ex agnata tabe putrescens interiit. Quam rem Sigibertus in suis cõmentariis retulit, homo quidem diligens, atque vt illis temporibus, studiosus magis quam eloquens. Quibus autem rationibus eiusmodi portenta oriantur, Galenus & Aristoteles copiose docent, vt aliorum sententias omittamus. Et affirmat quidem Aristoteles idcirco fieri monstra in animantibus, quoniam plura ac diuersa semina inter se cohærescunt, atq; confunduntur, aut cum forte materies excessus vel defectus extiterit. Petrus Crinitus lib. 21. cap. 8. de honesta disciplina.

M O N S T R V M C A P I T E E T S E X V D V -  
*plex, cæteris simplex.*

**C**irca annum millesimum, centesimum & decimum octauum, monstrum quoddam Namuti natum est, biceps videlicet infantulus, tam  
sexu

sexu duplex, quam cæteris, simplex autem compage corporis. Lycosthenes, suo prodigiorum libro.

## INFANS BICEPS ALIVS.

**A**Nno millesimo, quadringentesimo, octogesimo septimo, biceps infans Patauii natus est, in quo præter naturæ luxuriam nihil alioqui fœdum aspectu. Idem in eodem de prodigiis & ostentis opere Chronologico.

PARTVS BICEPS INVSITATÆ MAGNITUDINIS in lucem editus, cui ex humeris tertia surgebat manus.

15.


**A**Ditum in patrii soli vico, cui Sarzano nomen est, magnitudinis inusitata monstrum. Digna res est visa, quam libellis insererem, eo quidem procliuius, quoniam flagrante intestinis discordiis Italia, & intonante altius bellorum procella, quæ iam aliquot annis late vastitatem dedit, vice prodigii habitum, id est. Is vero infans fuit biceps, multa in eo mira. Primum quadrimestris magnitudo, membra omnia cum proceritate responsum habentia, absoluta, amussitataque, facies vtraque similitudinis prope indiscretæ. In capitibus crines aliquanto longiores, ac nigricantes, inter vtrumque caput ex collimitio humerorum tertia surgebat manus, sed quæ aures longitudine non excederet, nec integra visebatur omnino. Reliquum corpus prorsum bene compactum, ac citra ullam maculæ fœditatem. Natus est quinto Idus Martias, anno nati Verbi, millesimo, quingentesimo quarto, ac decimo, postridie allatus Rhodigium est. Quia vero visenda res erat, placuit ad Hispanum Ducem, qui in proximo vicaria Regisungebatur potestate, adferri. Id vero vt citra putredinis timorem posset obiri, exenterare præmortuum necesse fuit. Inibi ergo mirum aliud, cor quidem simplex vt affolet, at iecur duplex sicuti & lien. Nam in viscere hoc quandoque visam duplicationem, vel vno credimus Aristoteli; Et paulo post: Quod ad infantem attinet, illud amplius sciendum, vnumne an plura sint per coagmentationem, quod monstrosificum prodit animal: iudicandum est ex principii ratione. Nam si cor pars eiusmodi est, quod vnum cor habet, vnum animal est: quod duo, animal item duplex coalitum propter conceptuum coniunctionem. Lud. Cælius lib. 24. cap. 3.

DE MONSTRIS  
PVELLA CAPITE, ET  
collogeminata.


16



17



18



Medis-

**M**ediolani mense Ianuario, vt Cardanus refert, nata est puella biceps, reliqua autem omnia vnum corpus referebāt, nam binā crura, binā brachia, vulva vnā; sed tamen cum Gabriel Cuneus Chirurgus dissectisset, primo quidem gulam interiorem (sunt qui meri vocant) ac cum ea ventriculū inuenit geminatum, sed tamen in fundo coibant, ibi pylorus vnus, attamen ex eo intestina gemina exoriebantur, vt vterque ordo duplicatus esset, illorum, præterquam in recto: nam in illo rursus in vnum coibant, sicque ad anum finiebat. Erant autem fœces in ambobus, pulmōnes gemini viscebantur, atque hi nulla ex parte in vnum coibant. Cor paulo altius quam in aliis esse solet, & literam græcam referens, bifidum scilicet, sed tamen in vna sede. An vterque ventriculus superior in eo esset, haud explorauit. Iecur crassum & valde oblongum, sed absque penulis seu additamentis, atque ideo informe: spina dorsī duplicata, distabatque vna ab altera digiti magnitudine, vnaquæque suo inferniens capiti, & vsque ad crus, quod sibi in directo erat, ferebatur. Dentes inferiores, anteriores quatuor, superiores autem duos tantum sed magnos, verum inferioribus duriores, ac paulo solidiores, sed tamen qui neque ipsi dentis exquisitam præferrent duritiem habuit: renes duplicati, vterus & vesica minime. Orta est mense nono, & absoluta, ac etiam corpulenta. Verum in ipso ortu ob errorem obtorto collo vnus ab obstetrice, idem dies eademque hora fuit, qua tenebras mortis, & vitæ huius lucem experta est. Manifestum est igitur in his contingere, quod in fructibus. Duas tentauit natura creare puellas, in ipso exortu principalium membrorum collisa atque constricta sunt omnia, præter caput, omnia igitur principalia præter cerebrum, in vnum coiuerunt, fuerunt tamen potentia duo, quæ autem posterius creata sunt, velut vterus, brachia & extrema, ab vno tantum principio, & tanquam in vno fœtu sunt absoluta. Hactenus Conradus Lycos. in Chronologicis suis.

Sexto Octobris Anni 1593. mane inter septimam & octauam horam, in ditione Monasterii Wolmerstall, peperit vxor cuiusdam cauponis filioliā bicipitem, quam mortuam Valent. Wager vivis coloribus depinxit. D. M. Iansonius Doccomensis Frisus in Tomo 2. Mercurii Gallobelgici libr.

7. pag. 54.

C 2

P V E L

D E M O N S T R I S  
P V E L L A B I C E P S , G E M I -  
*na fœminea natura.*

**C** Latio, L.Domitio Coss. Puella biceps, quadripes, quadrimana, gēmina fœminea natura mortua nata. Julius Obsequens.  
Louanii anno millesimo, quingentesimo trigesimo sexto, Infans biceps natus. Cornel. Gemma lib. 1. c. 6. Cosmocrit.

M O N S T R V M H V M A N V M B I C E P S  
*brachiis mutilatis, pedibus simiæ, cauda vulpina.*

17.

**I**N vico Zeitern, miliare à Bruxellæ distante, Episcopatus Spirensis, anno millesimo quingentesimo nonagesimo nono, die vigesimo tertio Augusti fastorum veterum, Prætoris vxor hunc, quem viuo agalmate tibi depinximus, admirabilem, & naturæ contrarium fœtum enixa est. Hęc ad diem D. Bartholomæo sacrum gestationis in vtero determinato cursu, rure domum veniens, angore partus & doloribus torquebatur; cãdit in terram, atque exemplo citra communem naturæ consuetudinem Epileptico paroxysmo corripitur. Noctu circa vndecimam & duodecimam talem, quem ponimus, partum edidit; cumque integris continuis nouem horis crudelissima Epilepsiæ accessione detineretur, eadem nocte intra secundam & tertiam animam efflauit. Infans horrendum aspectum præferens, biceps erat, capitibus Simiarum capita æmulantibus præditus. Pars corporis reliqua, proportionem correspondebat infantulo bene & sufficienter compacto: exceptis brachiis, quæ mutila & manca videbantur. Pedes Simiarum pedes iurares, non hominis Regione posteriore in fastigio clunium cauda vulpina cernebatur. Schenckius Filius.

C A P I T E G E M I N I , Q V I A D I V -  
*stam aetatem, quamuis monstrosi, peruenerint.*

18.

**A**Nno millesimo quingentesimo, trigesimo octauo, natus est quidã, & ad perfecti viui staturam excreuit, capite & humeris tãrum geminus, ita vt caput alterum ante alterum retro esset, mira inter se similitudine.

dine. Barbis etiam & oculis sese referebant mutuo. Idem erat cibi appetitus, fames eadem, vox simillima, idem vxoris, quam habebat, & excernendi vtrisque capitibus erat desiderium. Annum excedebat trigessimum quando hunc videre contigit. Iacobus Rueff. lib. 5. c. 3. de conc. & generat. hominis.

M V L I E R D V O B V S C A P I T I B V S,  
*vno satis deformati.*

**S**imile quoque monstrum in Bauaria, anno millesimo quingentesimo quadragesimo primo conspeximus, erat autem mulier viginti sex annorum, duobus capitibus, quorum tamen vnum satis deforme erat. Hæc dum mendici habitu ostiatim victum quæreret, propter grauidas, dato viatico abire à finibus iussa est. Lycost. prodig. & ostent. Chron.

M O N S T R V M F O E M I N E I S E X V S,  
*capitibus duobus, brachiis quatuor, pectore & ventre vno.*

**A**n te annos aliquot (nimirum anno millesimo quadragesimo octogesimo nono, vt annotauit Cornelius Gemma) in ditione Werdenberga, monstrum fœminei sexus natum est, capitibus duobus, brachiis quatuor, pectore & ventre vno, pedibus duobus. Iacob. Rueff. li. 5. c. 3. de conc. & generat. hominis.

B I C E P S M O N S T R V M, R E F L E -  
*xis in dorsum capitibus.*


**A**nno millesimo quingentesimo quadragesimo fœtum vidit Hassia editum 5. Idus Ianuarii, geminis capitibus, reflexis in dorsum, quorum sese facies obuertit inuicem minaci aspexerunt vultu. Lycosthen. in Chronicis suis.

INFANS BICEPS MASCVLVS,  
*collo duplici, corpore reliquo bene compacto.*

19.



20



**A**nno millesimo quingentesimo quinquagesimo secundo in Hassia Germaniæ haud ignobili, Witzēhausē tertio post festum triū regū die, infans masculus biceps, collo duplici, duobus capitibus, ac corpore optime cum reliquis membris compacto natus est. Idem in opere commemorato.

Decimo tertio Calend. Sextilis, anni millesimi quingentesimi quinquagesimi tertii, in Misniæ pago Ziehest, non procul à Pirnah, natus est infans duobus capitibus, membris omnibus absolutis. Idem sæpius citato opere.

PARTVS BICEPS, GÉNITALIBVS  
vtriusq; sexus, colla gemino, sceleri & cadaueris formam  
preferens.

20.


**A**Nno millesimo quingentesimo nonagesimo septimo, die mensis  
Maii vigesimo nono, qui fuit Dominica prima post diem Festum  
Sacrosanctæ Trinitati consecratum, in vico Lustnauw Ducatus Wirté-  
bergenfis, distante non procul Tubinga, à parentibus plebeis & pauper-  
culis, Patre Iacobo Haug Vinitore, & Matre Agneta partus monstruosus,  
quem tibi delineatum proponimus, in lucem editus est. Cum circa diem  
festum Purificationis sacratissimæ virginis Mariæ, vxor Vinitoris præ-  
fati vtero gereret, post sedecim septimanas à conceptione (multo in qua  
citius, quam terminus ad consummatum partum requirat) puerperii do-  
lores perpeffa fœtum intermortuum absque vitæ suæ periculo peperit &  
enixa est. Immaturus & monstruosus hic fœtus, vtriusque sexus genitalia  
preferens, geminis capitibus, binisque collis constabat, quorum vtrum-  
que caput binas aures, oculos binos, os vnicum & nasum vnum obtine-  
bat. Erat hoc monstrum adspicientibus formidandum & horribile, capi-  
ta à Craniis defunctorum hominum non multum distabant, quorum  
singula frontes in intermedio non aliter diuisa apparebant, ac si essent dis-  
scissa. Bina brachia, crura bina, vna cum parvulis manibus pedibusque  
macris & in angustum contractis, vt solent esse huiusmodi abortus, con-  
spiciebantur. Fuit hoc monstrum Tubingæ à Medicis Celebris illius A-  
cademiæ lege Anatomica examinatum. Inueniebatur Cor duplex, pul-  
mo duplex, duplex iecur. Capita internis suis partibus debite constantia  
visa sunt. In inferiore ventre, cum saltem constaret vnico, ventriculus sim-  
plex & vnicus neque intestina non gemina sese offerebant. Color infan-  
tis monstrosi extrorsum introsumque eiusmodi fuit, qualis com-  
muniter in abortibus conspicitur, nisi quod circa pe-  
ctus cœruleus spectaretur.



PRODIGIOSVS MASCVLVS BI-  
ceps, cui caput aliud Vmbilico exertum fuit.

21.

22



21



**N**atus est infans (anno millesimo quingentesimo decimo sexto, se-  
cundum Lycosthenem) & in virum excreuit, qui caput aliud ymbi-  
lico exereret, quod pro more alterius quoque cibum caperet. Iacobus  
Rueff. li. 5. cap. 3. de conceptione & generatione hominis. Quo anno Fran-  
ciscus primus Gallorum Rex fœdus cum Heluetiis iniuit, natum est in  
Germania monstrum, cuius è medio ventre caput insigne extabat, ad vi-  
rilem ætatem peruenit, nec secus quam verum & summum monstri illius  
caput, hoc monstrificam, & tanquam applicitum nutriebatur. Am-  
brosius Parens lib. 24. cap. 2.

\*  
\*

PARTVS MONSTROSI  
IN BRACHIIS, CVBITIS ET MA-  
NVBVS, QVI VEL HORVNDIEM  
numero, defectu, vel abundantia. Prodigiosi  
extiterunt.

INFANTES QVADRVPEDES  
& quadrimanus.

**T** Gracho, & M. Iuuentio Consulibus, pueri quadrupes & quadri-  
manus nati sunt. Iulius Obsequens.

MONSTRVM INFANTIS HVMA-  
num, habens tres manus, & totidem pedes.

22.

**P** Crasso, & Q. Scæuola Coss. puer tribus manibus, totidemque pedi-  
bus natus. Idem.

PARTVS MONSTROSVS QVATVOR  
manibus, & totidem pedibus.

**M** Marcello, P. Sulpitio Coss. Theani (alii Theatri) Sidicini puer cum  
quatuor manibus & totidem pedibus natus. Idem.

ALIVS INFANS MANIBVS TRIBVS  
& totidem pedibus.

**V** Enafri puer natus tribus manibus, totidemq; pedibus. Iacob. Reiff.  
libr. 5. de concept. & generat hominis, ex Româna, vt apparet, hi-  
storia.

D INFANS


INFANS MASCVLVS QVADRIPE,  
& quadrimanus, auribus quatuor.

23.

23



25



24



Prope

**P**rope Effelingam Neccari, monstrum natum est, infans videlicet vnico capite: quatuor aures, quatuor brachia, & totidem pedes habens. Lycost. lib. prodig. anno millesimo quingentesimo vigesimo octauo.

## ALIVS EIVS MODI.

**I**nfans natus est crura, brachiaque quaterna habens, vixitque quoad ex sacro baptismi fonte leuatus est. Idem eodem opere, anno Domini millesimo trecentesimo octogesimo nono.

PARTVS QVATERNIS PEDIBVS  
& totidem cruribus.

**R**efert Iouianus Pontanus anno Domini millesimo quingentesimo vigesimo nono, die nono Ianuarii, visum in Germania infantē masculum, quaternis brachiis, & totidem cruribus. Pareus operum suorum lib. 24. cap. 2.

## QVADRV PES, QVADRIMANVS.

**Q**uo die Veneti & Genuenses fœdus inierunt, natum est in Italia monstrum quaternis brachiis & pedibus, vnico vero capite præditum. Id sacra baptismatis aqua lustratum, aliquandiu post vixit. Iacobus Ruefius Chirurgus Heluetius sibi simile visum narrat, sed quod maris & fœminæ in super genitalia haberet. Idem eodem lib. cap. 4.

## TRIPES, TRIMANVS.

**P**Africano, Lælio Coss. Amiterni puer tribus pedibus, vna manu natus. Idem.

## BRACHIO VNICO NATVS.

**C**Valerio, M. Herennio Coss. ancilla puerum vnimanum peperit. Iulius Obsequens.

**T** Gracho. M. Iuuentio Coss. Priueni puella sine manu nata. Idem. In Piceno infans absque manibus & pedibus natus. Lycoth. libr. prodig. & ostent. pag. 141. ex Romana historia nimirum.

Ex diminutione vidi virum, qui vsque hodie vivus est, & non fuerunt ei neque manus, neque pedes. Hali Rodoham Comment. ad libr. 3. Tech. Galeni Tex. 177.

SINE BRACHIIS NATI, QUI

*vel ore, vel mento, vel pedibus, incredibili industria, quavis subtilissima opera, manuum vice, efficere potuerunt.*

**N**on est à Dione prætermisum, inter munera Augusto missa ab Indis, fuisse tigres Romæ tunc visas primo: & adolescentulum sine humeris, qui tamen pedibus manuum functionem obiret: namque arcum intendebat, sagittas etiam excutiens. Cæs. Antiq. lib. 4. cap. 12.

Vidimus mulierem sine brachiis enatam, pedibus pro manibus ad nendi suendique artem habuisse. Alexander Benedictus libr. 1. c. 2. Anatomes.

Eandem nos quoque vidimus in castro Amandino Allifero, anno Christi millesimo quingentesimo quadragesimo nentem, suentem pedibus (manuum vice) cyathum vini apprehendentem, & bellantium more, pedibus arreptis baculis, tympanum belli manu pulsantem. Nicolaus Rocheus de morb. curand. c. 32.

Sine brachiis enatum vidi Hispanum, certe monstra, quæ in natura rerum essent, omnia excedentem: pedibus enim citus admodum erat, vt cû illis neret, seu acu expeditius pingeret, quam vel citissima mulier ambabus manibus, & arma bellica tam affabre tractaret, vt nemo miles agilitatem ipsius assequeretur, arcuque tam esset rectus, vt à scopo nunquam aberraret, & securi quemuis vnico ictu infringeret, etiam crassiusculum truncum. Georgius Pictorius Sermon. conuiuial. lib. 4.

Natus est infans, qui brachiis in vniuersum careret, reliqua corporis forma rectissime habens. Pedes huius, cum ad vigesimum annum ætatis peruenisset, manuum officio fungi vidimus, accipiendo, secando, ori inferendo, nec non etiam alea & chartis ludendo. Quod & alter quidam ore & mento præstare potuit.

FOEMINA BRACHIIS DESTITUTA,  
*nihilominus tamen industria pedibus.*

24.

**E**iusdem etiam agilitatis mulier Francofordiæ ad Mœnum, anno Christi millesimo quingentesimo quinquagesimo sexto visa est, quæ manibus omnino carens, arrepto pede calamo, literas non tantum elegantissime pingere, sed tractare colum, nere, numerare pecuniam, ac subtilissima quæque pedum digitis conficere potuit. Lycosthenes lib. de prodig. & ostent. anno Domini millesimo quingentesimo vigesimo octavo.

Vidisse quendam memini me, qui cum brachiis omnino careret, dextro pede hastam vibrabat, collimabatq; suebat vestem, edebat, scribebat, in acum filum immittebat. Nec tanti miraculi defuturos testes spero, cum res publice ageretur. Cardanus lib. 17. de subtil.

Mutili hominis historiam iucundam simul, atque admirabilem narras. Qui brachiis careret, dextro pede hastam vibrasse. Vestem suere solitum, scribere, edere, bibere, in acum filum immittere. Cuius rei testem te habiturum sperare scribis. Næ tu diuinus vir es. Ecce me sodes habeto. In Allobrogum prouincia eum spectauimus. Arbitror amplius quinquaginta millia hominum superesse, quibus ille miraculo fuit. Plus quoque quod de eo dicam habeo. Clauum caligarium in asserem malleo penitus adigebat, cerdonum more, quem dicto celerius cõuersi mallei auriculis extraherat. Antonius ei nomen fuit, Neapoli se ortum prædicabat. Iul. Cæsar Scaliger Exercit. 334. ad subtil. Card.

VIR BRACHIIS CARENS, IN-  
*credibili tamen solertia humeris manuum  
opera pertractans.*

25.

**P**AUCIS ab hinc annis visus est Lutetiæ vir quadragenarius, quadrato corpore, qui etsi brachiis careret, omnia tamen quæ manibus perfici solent, munia, haud infelicitè obibat. Humeri enim trunco & capite, colloque vibrato, securim in palum oppositum, tam certo & valido ictu, quàm manu quiuis alius vir eiacularatur: aurigæ flagellum tanta vi distringebat,

vt aere validius percussio, sonaret. Cæterum pedibus edebat, bibebat. Tandem latro & sicarius deprehensus, ex cruce strangulatus rotæ affixus est.

Visa etiam non ita pridem mulier Lutetiæ est, sine brachiis, quæ nihilominus secebat, & plæraque alia, quasi manus adessent, perficiebat. Pareus operum suorum lib. 24. c. 6.

Sive eundem, sive alium, à Parei descriptione, at eiusdem certe ætatis, atque corporis constitutionis, Haganoæ, quo tempore eius Reip. Medicum Physicum agebamus, videre nobis contigit. Qui præter alia à Pareo recitata, me & aliis multis spectantibus, frondis fagineæ ramum brachii crassitie aquæ tum impositum, quæ ætatis tempore conclauia suo virote exornare in hospitii solet, gladii Heluetici capulo, mento humerorum vni appresso, comprehensoq; vnico impulsu euaginato, & stringente ictu etiam vno dissecuit: ministro gladium, vagina adhuc, donec ab eodem educebatur, conclusum, continente. At quod de bipenni affirmat Paræus, eam ille noster, simili modo quo gladium, apprehensam, ad designatum & expeditum parieti tabulato ligneo locum & punctum, exacte impexit. Natione Heluctium prædicabant. Ioannes Schenckius Senior.

Anno millesimo quingentesimo octogesimo sexto Halæ Sueuorum, vir quidam nomine Thomas Schweicker (cuius effigiem tibi transmittimus) annum ætatis suæ quadragesimum primum agens, superest, sine brachiis natus. Qui quæ alii manibus ingeniosissima opera, eadem ille pedibus, incredibili prope solertia perficit. Cuius Iconem ad vivum ectypâ, in argento, taleri numi magnitudine, fusam, digitoque pedis calamum scriptorium sustinentem, exprimentemq; Ioannes Beringer, summi apud nos templi architectus, visendam mihi exhibuit. Et præterea eiusdem scripturam ostendit, pedibus tam eleganter delineatam, emblematisque variis circa margines ornatam, vt vel peritissimos, qui vel in nobilioribus ciuitatibus scribendi munus publicum, atque vna quoque Arithmeticam practicam, tum per numeros, tum per calculos, profitentur, prouocare, imo longe superare queat. Idem quoque admirabili industria, eadem quæ arcularii dedolando, sculpendo, scindendo, forando, serrando, ingeniosissima efficere solent opera, velut columnulas, peristylia, eiusque generis alia, pedibus fœlici imitatione præstat, adeo quidem, vt in eo iure quispiam brachia & manus desiderare, velut superuacanea, debeat minime. Idem Parens meus Schenckius.

HUMANIS.

31

ICON

THOMÆ SCHWEICKERI, si-  
ne brachijs nati.

26.



SCHWEIC-



## SCHWEICKERVS LOQVITVR.

**D**erweil ich/ daß es Gott erbarm/  
 Hab weder Finger/Hend noch Arm/  
 Vnd mich also behelffen muß/  
 Schreib ich doch diß mit meinem Fuß.  
 Drumb frommer Christ dein Lebenlang  
 Sag Gott für diese Wolthat danck/  
 Daß du hast ein geraden Leib/  
 Wie meinst daß ich mein Zeit vertreib/  
 Das zeigt dir die Contrafactur.  
 Weil mich nun Gott vnd die Natur  
 Also erschuff/hats mir doch geben/  
 Alles zuthun mit Füßen eben/  
 Essen vnd trincken ober Tisch  
 Mit meinem Fuß ich bhend erwisch/  
 Schreib/mahl/schnitz/bind Bücher ein/  
 Das Armbrust kan ich brauchen fein/  
 Zehl gelt/vnd auff freundtlichs begeren/  
 Im Brettspiel meins mans mich thu wehren.  
 Schenck ein/trinck auß/die Kleider mein  
 Anleg selbst/schneid ein Feder fein.

EPIGRAMMA IN SCHVVEIC-  
KERI DEXTERITA-  
TEM CONSCRIPTVM.

**Q**uod digitis alij præstant, hoc præstat id ipsum  
Schvveickerus mira dexteritate pedum.  
Is pede depingit decoratos Syrmate versus,  
Ille cibum pedibus carpit, & omne facit.  
Hoc opus esse DEI mirandum nemo negabit,  
Qui modo pectus habet quod ratione valet.

Subiungemus de eodem Viro, sine brachiis nato, affinia quædam testimonia, præsertim doctissimi Camerarii, quod sic habet:

Mira est providentia & Sollicitudo naturæ, quam creator omnium rerum, ei tanquam optimæ matri attribuit. Ea enim in animalibus membris distortis, vel mutilatis, aut debilitatis, vel etiam omnino deficientibus, plerumque aliis membris, præter suum officium ad quod destinata sunt, tale robur & dexteritatem ex diuturna consuetudine suppeditat, vt dicere aliquis possit, non in distinctione membrorum, sed in continuo vsu perfectionem consistere. Hac de re sæpius cogitavi, cum essemus Comburgi, apud vere Nobilem & præstantissimum virum, Dominum Erasmus Neienstetterum. Is enim cum nulla benignitatis erga nos prætermisisset officia, iussit accersi ex vicinis salinis Suevicis Thomam Schweickerum, natum 31. annos, & quidem honestis parentibus. Quem licet mater sua absque brachiis enixa fuisset in lucem, omnia tamen munia manuum, pedum subsidio, ita exequabatur, vt quod in vno desideraret, in altero sibi compensatum esse, affirmare non erubesceret.

Nam cum in editiore loco, qui æquaret altitudinem tabulæ, in qua esculenta apposita erant confedisset, apprehenso pedibus cultro, scindebat panem, & alios cibos, pedes ea postea, nec non & potum, veluti manus ori porrigebant. Peraçto prandio pedibus pingebat nobis omnibus videntibus, tam elegantes latinæ litteras ac germanicas, vt exempla earum, quasi rem insolitam nobiscum fumeremus. Postulantibus etiam nobis cultello parabat calamos ad scribendum aptissimos, quos postea nobis donabat. Cum esset ita occupatus, diligenter inspexi formam pedum, quorum di-

E

git

giti erant ita oblongi & ad res tenendas apti, vt procul aspicientibus manus (pallio enim suo verecunde admodum crura tegerat) videretur. Hoc spectaculum sane iucundum, & ante non visum nobis fuit. Iussus etiam fuerat, paulo ante Cesareæ Maiestati diuo Maximiliano Secundo, cum Halam urbem, ad comitia Spirensia transfiret, & Electoribus Palatinatus atque Saxoniarum, Ludouico & Augusto se exhibere, quorum Maiestas & Celsitudo, hanc mirandam naturæ compensationem, non absque munificencia, & cum admiratione spectauit. Hoc ipsum illustrauit elegantissimo hoc Epigrammate Doctor Ioannes Posthius Medicus, & Poeta eximius.

*Mira fides pedibus dextre facit omnia Schveicker,  
Cui natura parens brachia nulla dedit.  
Namq; bibit pedibus, pedibus sua fercula sumit,  
Voluit & his libros, preparat his calamos.  
Quin & literulas pede tam bene pingere nouit,  
Artificis superet grammata ducta manu.  
Maximus hoc Casar stupuit quondam Æmilianus,  
Donaq; scribenti largus honesta dedit:  
Omnia namq; potest vigilans industria, quodq;  
Natura ipsa negat, perficit ingenium.*

Placuit & hoc conscriptum Epigramma de eodem Schveickero, brachiis carente, adiungere, humanoque lectori Iconem scribentis communicare.

THOMAS SCHWEICKERUS SINE BRACHIIIS natus, literas pingens pedibus.

27.



**T**homas Schweickerus miranda sortis homullus,  
 Quem ditem pietas ingeniūq; facit:  
 Has sine brachiolis vitales luminis auras  
 Adspexit Suevi sub vada lenta Nicri.  
 Ne natura tamen litem pateretur acerbam,  
 Robur ei tribuit fortibus in pedibus.  
 Quod dextris alii tractant, peraguntq; sinistris,  
 Ille ministerio perficit omne pedum.  
 Nam bibit & scribit pedibus, comeditq; facitq;  
 Singula. mireris, si videas hominem.  
 Optimus est calamus crena scriptoribus vnca  
 Quem mira adstanti preparat arte tibi.

Hunc stupuit Caesar Maxamilianus, eiq<sup>3</sup>  
Scribenti quondam largiter ara dedit.

Mirati Comites, admiratiq<sup>3</sup> Barones,  
Mirandi nobis proposuere modum.

Membro alij accedit si quid deceſſerit vni.

Hæc hoc exemplo est maxima nacta fidem.

Quid non continuus natura perficit vsus?

Vidi hominem bene ſit, quippe meretur, ei.

Cubito, manu, digitis & cruribus  
monſtroſus puer.

**A**Nno Domini milleſimo quingentefimo ſeptuageſimo tertio vidi Lutetiæ ad D. Andrea ædem, puerum nouem annos natum Parpailla pago, ſex à Guiſo oppido miliaribus, Petro Renardo, & matre Margretha genitum. Huic tantum duo digiti in dextra manu erant, brachium haud inueniſte à ſummo humero ad cubitum vſque deformatum erat: at inde ad extremos digitos duos valde deforme viſebatur, cruribus carebat, quanquam à nate dextra, pedis imperfecta velut figura, quatuor tanquam digitis diſtincta, proferre ſe videbatur, à ſiniſtræ verò natis medio duo digiti proſiliebant, quorum vnus genitali virili haud erat abſimilis. Pareus operum ſuorum lib. 24. cap. 6. qui & iconem eius exhibet.

SINE MANIBVS NATI.

**N**atos infantes vidimus, defectu membrorum, mutilos, manibus inquam carentes. Iac. Rueff. lib. 5. de con. & gener. hominis.

INVERSIS MANIBVS ET PEDI-  
bus nati.

**N**ati ſunt quidam retrouerſis manibus, & in obliquum tranſuerſis pedibus. Idem iam citato libro.

Infantis, qui à primâ in vteri conformatione, ſitus materni vitio, pedibus manibusque diſtentis euasit, iconem exhibet Pareus operum ſuorum lib. 23. c. 9.

## PVELLÆ CVIVSDAM MANVS

*à natiuitate trunca & tuberosa.*

**P**Vellam vidi, non ignobilem, trunca ac tuberosa manu, quam cum contrectandam mihi exhibuissent parentes, deprehendi digitorum contactu articulos, qui naturæ manere erupturi erant, intus conuolutos atque in se retortos, ita vt nullam digitorum effigiem præferrent, siquidem omnes membri huius partes, tam ossiculorum series & connexus, quibus manus complicari vel expãdi solet, initio delituisse comperti sunt, Stompen nostri vocant. Ita errorem hunc, ac naturæ vitium inde contractum pronuntiarî, quod ea vis ac facultas, quæ formationi fœtus insistit, omnibusque suis partibus consummare hominem nititur, aliquo impedimento prohibita sit, quo minus articulos potuerit perficere, atque in speciosam, decentemque manus formam producere: cum enim mater splenis duritici esset obnoxia, ac scœmellæ in id latus, nempe sinistrum, declinent, ex affectu eius visceris, cui partes illæ tanquam scopulo ac cautibus illisæ incubuerunt, informem atque indecoram speciem sunt consecuta. Leuin. Lemnius lib. 4. c. 7. de oc-

cultis nat. mirac.

\* \*

E 3

MON

DE MONSTRIS  
MONSTRVM MANIBVS PEDI-  
busq; anserinis, & capite enormi natum.

28.



**I**N Germania prope Lauffenburgum oppidum, in finibus Heluetio-  
rum ad Rhenum fluium sitū, natus est infans manibus ac pedibus an-  
serinis, horrendo capite. Lycosthenes libro suo de prodig. & ostentis, sub  
anno 1274.

MONSTROSI HUMANI FOETVS,  
*sex digitos aut plures, minusve prodigiose habentes.*

**V**idi digitum additum multoties. Haly Rodoham Comment. ad libr.  
3. Tech. Galeni num. 177.

Sunt

Sunt in manibus pedibusque *παρὰ φύσιν*, id est, agnationes, ubi superueniens adnascitur digitus, ratione materiæ exsuperantis. De qua re sic Plinius: membra animalibus agnata inutilia sunt, sicut semper sextus in homine digitus. Quod ex illo forsitan Aristotelico videatur sumptum, libro de generatione quarto: Quibus autem habere gemina contigit genitalia, alterum maris, alterum fœminæ, iis semper alterum rarum, alterum irritū redditur. Ipse vidi Bononiæ quendam de plebe inopem, senis in manu vtraque digitis; imo in pedibus quoque superfluus digitus inter auricularem annularemque interitus agnoscebatur, magnitudine ad reliquorum responsum, mobilis præterea, & ad omnem usum, vt affolet, accommodus. Manus in signi erant latitudine: nihil præterea quod deceret minus. Hoc eo adnotasse libentius volui, vt sciremus, decretorium non esse, agnata membra, inutilia haberi & irrita, qui *παρὰ φύσιν* dicuntur, alios esse carnosos omnino, alios ossa habere, & vngues quandoque. Horum autem alii ex articulis prodeunt, à scythale alii. Sed hi prorsus *ἀκίνητοι*, hoc est, immobiles sunt: cæteris mobiliibus quandoque. Cælius Antiq. Lect. 17. cap. 12.

Nati quidam abundantibus membrorum partibus, alter quidem singularis pedibus manibusque digitos habens duodecim. Iacobus Rueff. de concept. & generat. hom. lib. 5.


Puer monstruosus annorum circiter quindecim Arelatæ visus, anno millesimo quingentesimo sexagesimo primo, mense Iulio, cui in vtroque pede septem inerant digiti (pollex namque pede in vtroque duplex erat) & in vtraque manu digiti sex. In sinistra vero manu annularis & medius coniuncti absque villo interstitio erant. Pedes vero admodum largos perinde atque manus puer habet. Franciscus Valeriola lib. 4. obseruat. 2.



29



29. 30



**I**N pago Dirliftofff sexto die Decembris, qui D. Nicolao Episcopo sa-  
cratus est, natus est puellus, corpore quidem bene compacto, cui tamen  
brachia, pedesque ob naturæ defectum non conueniebant. Dextra enim  
manus cum omnino deesset, eo loco, quo pollex esse solet, carnosus tumor  
instar verticuli aut nucis parvæ eminebat. Sinistræ autem manus pars di-  
midia, in tres tantum digitos, sed plane coniunctos, vt quoque pedes in  
totidem digitos desinebant. Educatus autem, non tantum cibum potum-  
que monstruosis manibus capere, sed numerare pecuniam, subducere rati-  
ones, easdemque elegantissimis literarum characteribus rationum li-  
bro assignare potuit, quemadmodum alia omnia, quæ alias manuum au-  
xilio ab hominibus fieri solent. Viuit adhuc Domini sui liberalitate ad-  
iutus anno millesimo quingentesimo quinquagesimo septimo, quo hæc  
scribi-

seribimus, iam natus 60. annos, vidimus adhuc, ac obeso corpore senex. Conradus Lycosthenes libro de prodigijs & ostentis anno Domini 1497.

In oppido quodam Franc. Orientalis Kittinga dicto, honestam matronam vidi, quæ senos habebat in manibus & pedibus digitos, totidemque habentem digitos filiolum pepererat. Clariss. Vir D. Posthius in suis obseruationibus ad D. Schenckium transmissis.

M. Ioannes Halcher *φιλιατρος* heri retulit, hic studiosum esse, qui indicem digitum manus sinistrae circumferat in tres acies quidem distinctum, & vngue præpilatum: Cæterum vnciali mole altero compari digito minorem. D. Moccius de obseru. propriis.

## I C O N

M O N S T R O S Æ M A N V S C O N S T I T V -  
*tionis, digitorum duntaxat quatuor, quorum pollex inusitata  
 tam longitudinem & proportionem  
 præferebat.*

30.

**A**Nno superiore c I O I O C V I. accitus sum Ego cum duobus aliis Medicis, ad anatomen partus monstruosi Pueri Masculi, à Magistratu Hagenoensi. Comperimus proinde fœtum ad aliquot dies superuixisse, tandem interiisse: eumque alioqui absolutum & integrum deprehendimus, nisi quod à prima in vtero conformatione umbilicotenus Foramen patulum idque rotundum, ad interiora ventris aperto itinere pertingens, & quasi pugione cõfossus, miserabili certe spectaculo, obtinuerit. Quare quæ hauriebat alimenta, atque etiam excrementa, per id ipsum naturale vulnus (quod magnitudinem denarii numi facile exaquabat) protinus effluébant. Ad hæc corpusculum secantes, inuenimus cæteris omnibus saluis, vesica destitutum, & ano imperforato solidoque in lucem venisse. Et vero horum omnium abditam causam inuestigantibus, relatū nobis est, prægnantem scæminam persecutione & impetu Mariti per districtum gladium perterritam fuisse, & sese ad euitandum Mariti imminens periculum pro saluatione in angulum domus coniecisse. Quæ imaginatio matris in fœtum eidem facile notam ensis in ventrem adacti asingere potuit: atque membrorum hæc ipsa in angulo contractio & com-

F

pref

pressio ad defectum vesicæ & solidam ani conformationem occasionem præbere. Hanc Historiam obseruauit Hagenoꝝ Alsatiaꝝ Ioannes Georgius Schenckius Medicus, Hagenoensium Poliater.

Manus hamata monstrosa, gammarorum occasione in materno utero conformatata, cuius historia exhibetur libro 5. Obseruationum, operis recogniti. Tametsi nos isthic effigiem negleximus. Schenckius Fil.

INFANS MONSTROSUS, VENTRIS Foramine umbilicotenus insignitus, & vesica destitutus, Hagenoꝝ Alsatia natus.

31.



# MONSTROSI PARTVS CIRCA MEMBRAGENI-

TALIA.

PVER MONSTROSVS MVLTIFARIAM, cui genitale membrum à vertice pro-  
pendit.

**A**Nno millesimo quadringentesimo octogesimo septimo, puer Venetiis editus est, ore pluriariam scisso, & præter multa fœdiora relatu, genitale membrum habuit vertici agnatum, atque ob eam rem non placuit in apertum referre. Lycofth. Chronic. de prodig. & ostent.

PENE GEMINO VISVS QUIDAM.

**V**idimus Bononiæ in publicis dissectionibus cadaver viri, qui duplicem habuit penem. D. D. Ioa. Iacobus Weckerus in suis Schenckio communicatis obseruatio.

SINE MENTVLA NATVS INFANS, sed cum scroto & testiculis.

**A**Nte paucos dies misellus infans natus apud nos est, cui membra circa Umbilicum resolutâ herniam præferebant: carebat membro virili: cuius loco foramen, quo urinam profundeabat, conspiciebatur, scrotum ambobus testiculis, vt in aliis conformatum visebatur. Parentes Chirurgi opera vtuntur, at vix supervicturum opinor. D. Thobias Cneulinus de suis transmissis obseruationibus ad Parentem meum Schenckium.

VISI SVNT TRIBVS TESTICVLIS condonati.

**B**ergomi familia Coleonum illustri (Bartholomæo Coleono & fortitudine & fide apud Venetos clarissimo insignis, cuius equestrem statuem Venetiis in area D. D. Ioannis & Pauli videre licet) hoc peculiare habere fertur, vt multi ex ea familia mares tres habeant testiculos. Cui rei attestatur, vel saltem suspitioni occasionem dedit gentilitium familiæ symbolum, tres nigros continens testiculos. Hinc proverbium Italis vsitatissimum,

F 2 simum,

simum, Conglioni de Bergamo, de re monstrosa & inaudita, non autem vt vulgus autumat, de homine stupido & obscæno. Cæl. Rhod. lib. 24. cap. 4. A. L. Francisco Philelpho tres fuisse testiculos proditum scio. Idem libr. 17. cap. 12. A. L.

Tertium testiculum omnibus cuiusdam familiæ superare nouimus. Fernelius lib. 1. cap. 8. Patholog.

Obseruauimus in Anatome viri cuiusdam tres testiculos. Quidam ex aduers. Ioan. Dryandri.

Videre nobis contigit in puero typographi filio tertium testiculum. Nec desunt, qui asserant, quibusdam familiis peculiare esse, vt tertium habeant testiculum. Scholiographi ad c. 62. de morb. intern. Hollerii.

### G E N I T A L I B V S V T R I V S

*que sexus carens natus quidam.*

**V**Idi qui natus est, & non habebat neque vulvam, neque priapum, neque testiculos: & erat in forma sua, & in suis moribus secundum assimilationem castrati, & erat ei foramen minimum, ex quo mingebat tantum. Hali Rhodoham Comment. ad lib. 3. Galeni art. medic. text. 77.

Quibus gemina habere genitalia accidit, alterum maris alterum foeminae, iis semper alterum ratum, alterum irritum redditur, cum per alimentum subinde delitescat: quoniam præter naturam estagnatum enim est modo abscessus, nam & abscessus absumunt aliquid nutrimenti, quamuis post geniti sint, & præter naturam. Aristoteles lib. 4. ca. 4. de generat. animal.

Signuntur & vtriusque sexus, quos hermaphroditos vocamus, olim Androgynos vocatos, & in prodigiis habitos, nunc vero in deliciis. Plin. lib. 7. ca. 3. nat. histor. Supra Nasamonas confinesque illis Machlyas, Androgynos esse vtriusque naturæ, inter se vicibus coeuntes, Calliphanes tradit. Aristoteles adiicit, dextram mammam iis virilem, læuam muliebrem esse. Idem lib. 7. ca. 2.

Mulierum paucis prodigiola assimilatio, sicut hermaphroditis vtriusque sexus: quod etiam quadrupedum generi accidisse Neronis principatu primum arbitror. Ostentabat certe hermaphroditas subiunctas carpeno suo equas in Treuerico Gallia agro repertas: ceu plane visenda res esset, principem terrarum insidere portentis. Idem lib. 11. c. 49.

HERMAPHRODITI; SEU  
Androgyni.

32.



32.



**H**ermaphroditos seu Androgynos vocant etiam *διφυεῖς* & *Ἀνδροθή-  
λας* & *Ἀρσενόθηλας*. In maribus id fit tribus modis, cum in perineo  
sive interfœmineo muliebre pudendum exiguum videtur, cum itidem in  
scroto, sed nullo excrementi profluio: cum ibidem exeunte lotio. In fœ-  
minis vnico, cum penis supra genitalis fastigium, in clitorio & ima pube  
prominet. Addunt quidam in maribus, cum supra colis radicem mulie-  
bris natura exstat: in fœminis, cum penis ad inguina vel in peroneo pro-  
fertur. Rhodig. cap. 10. & 15. 12. 19. Androgynos vocauit, & Pollux concu-  
binos. Dalechampius annotat ad c. 3. lib. 7. Plinii N. H. litera d.

M. Meffala, C. Liuio Coff. geminas duodecim ferme annorum natus, auruspicumque iussu necatus. Iulius Obsequens lib. prodig.

L. Metello, Q. Fabio Maximo Coff. Lunæ Androgynus natus, præcepto auruspicum in mare deportatus. Idem.

P. Africano, C. Fulvio Coff. in agro Ferentino Androgynus natus, & in flumen deportatus. Idem.

Cn. Domitio, C. Fannio Coff. in foro Vessano, Androgynus natus, in mare delatus est. Idem.

L. Aurelio, & L. Cæcilio Coff. in agro Romano Androgynus annorum octo inuentus, & in mare deportatus. Idem.

L. Cæcilio, L. Aurelio Coff. Saturnius Androgynus annorum decem inuentus, & in mari demersus. Idem.

Q. Metello, Tullio Didio, Coff. Romæ Androgynus in mare deportatus. Idem.

Cneio Cornelio Lentulo, P. Licinio Coff. Androgynus inuentus in mare deportatus erat. Idem.

Sinuessæ natus infans, ambiguo inter marem & fœminam sexu. Lycosthen. lib. prodig. & ostent p. 125.

In Sabinis incertus infans natus masculus an fœmina esset. Alter sexdecim annorum, iam item ambiguo sexu inuentus: Idem p. 136.

Vidi virum qui habebat veretrum & testiculos, & vulvam mulieris simul. Hali Rhodoham Comment. ad lib. 3. Techn. Gal. tex. 38.

Inter tot admirabilia & rara, quæ in humani corporis fabrica diuersis temporibus obseruauit, nihil admirabilius, nihil rarius censeo quam quod de neutra natura diligenter inuestigauit. Proposito enim mihi Androgyno, seu hermaphrodito, subiecto inquam eodem mare & fœmina, superioribus etenim annis fœminam mihi videre contigit, quæ præter vulvâ membro quoque virili prædita erat, quod tamen non erat admodum crassum. Quamobrem in eius Anatome generationis vasa accurate admodum peruestigauit: vasa seminaria testesque considerans, nunquid vlla inter hæc communitio aut consensus adesset: tandem hoc comperi, vasa quidem præparantia ab aliarum fœminarum præparantibus vasis non differre: deferentia vero differre: nam bipartita erant, & ex binis quaternâ natura genuerat: ex quibus duo, quæ etiam maiora erant, ad matricis concavum destinabantur, reliqua duo ad penis radicem, qui glandularum parastatum expertus erat. Hoc tam admirabile visu & speculatu erat, quam quod

quod maxime: quo pacto natura prudens sagaxque locum satis tutum selegerat, per quem vasa hæc ad penem deferri possent: & quemadmodum meatum, qui in ipso est pene, perforarent, qui meatus in aliis tum semini tum urinae communis existit: hic vero urinae nihil quicquam opis afferebat: nam instar aliarum mulierum urina exibat. Vterus autem, nec non uteri cervix à cæterarum foeminarum matrice colloque nihil distabat: sed in testibus discrimen erat: nam testes in hac crassiores erant, quam in reliquis mulieribus: sed quo ad situm ipsorum nullum discrimen deprehendi. Peni scrotum contiguum non erat, imo vero scroto profusus carebat, & duobus musculis præditus erat huius foeminae penis, non quatuor ut in maribus perfectis. Præterea penis huius hermaphroditi tenui pelle integebatur, nullum aderat præputium, sed duo spongiosa corpora, per quæ duæ arteriæ ferebantur, ab illis ortæ, quæ ad vesicam tendebant. Atque hæc sunt satis de hermaphrodito, quem mortuum secui.

Duos deinde hermaphroditos viventes consideravi, in quibus alter mas, foemina alter erat, (dicuntur autem à superabundanti vel mares vel foeminae, ut vel plantandis hominibus vel homini suscipiendo sunt aptiores, vel aptiores creduntur) Foemina erat Æthiopica mulier earum, quas Cingaras appellant Longobardi, hæc neque agere neque pati commode poterat, nam uterque sexus imperfectus illi contigerat suo magno malo: penis namque minimi digiti longitudinem crassiciemque non excedebat: vulvae autem foramen adeo angustum erat, ut minimi digiti apicem vix intrmitteret, optabat misera, ut hunc illi penem ferro euellerem, quippe quem sibi impedimento esse diceret, dum cum viro coire exoptabat: optabat et ut vulvae foramen illi amplificaret, ut viro ferendo idonea esset. Ego vero, qui horum vasorum discrimen intueri sæpius cupiebam, verbis detinui. Non enim sum ausus aggredi illius cupiditati satisfacere, quoniam id absque vitæ discrimine fieri non posse existimabamus.

Hermaphroditus vir, quem vivum summa diligentia inspexi, hoc modo habebat, penis aderat cum scroto, testibusque, sub quibus in peritonæo seu tauro, quo loco (inter anum scilicet & testes) fit sectio pro extrahendo vesicæ lapide: foramen quidem persistabat in vulvae morem, sed non penetrabat. Atque hi sunt, quos vidi, Hermaphroditi. Columbus libr. 15. Anatomia.

Vidi corpus puella annorum circiter octodecim, omnibus, vestitu nimium, capillis & habitu uniuerso, puellam præferentem, cum puellis cubantem.



bantem, & perpetuo, vt ancillam, elocatam. Quæ peste mortua, cum ectimatis multis & magnis atque liuidis, inter alia, reperta est habere duos testiculos amplos, membrum virile amplum: pubescebat pubes pilis nigricantibus: existimabatur puella, quia per paruum foramen sub cole, qua parte adhærebat pubi, mingebat. Aperto corpore nulla matrix visa est, similis aliis masculis. Videbatur etiam rem cum puëllis habuisse, præputium enim facillime detegebatur, nulla sordicies circa balanum, mammæ nullæ: dissecto cole, nerui duo ampli, porosi: vrinarius ductus nullus. Huius affectus meminit Paulus Ægineta inter Hermaphroditos lib. 6. capit. 69. & similis fere affectus hypospadiceorum lib. 6. cap. 54. D. Ioannes Bauhinus de obseru. propriis.

Contingit generari quosdam & aliquo vsque adolefcere, de quibus inspicienti non constet cuiusnam sexus sint. Imperitiores illos vtriusque sexus esse autumant, sed longe falluntur. Fit enim casu aliquo vt ex terribus subitis etiam circa hæc membra semen aliquid vitii contrahat. Exëpli gratia. Contigit nobis talem offerri infantem, de quo non satis constaret, cuiusnam sexus esset. Prominebant quidem testiculi, membrum præterea nullum. Infra testiculos ruptura erat vnde vrina efflueret. Sed quia propter virgæ prominentis defectum (nec enim tota aberat, sed intro cõuerfa ad modo dictam rupturam deflecebat) hanc naturam vrinæ viam dedisset, non pro fœmella, nec pro Androgyno, sed pro masculino hunc haberi & baptizari placuit. Fatebatur autem mater, se ex viso quodam adeo territam, vt hinc infanti hoc contractum esse coniiiceret. Iacob. Rueff. li. 5. c. 3. de conceptu & generat. hominis.

ANDROGYNVS, SIVE PAR-  
tus monstruosus, vtriusq; sexus.

33.

**A**Nno millesimo quingentesimo decimo nono Tiguri Hermaphroditus vel Androgynus nat<sup>9</sup> est, supra umbilicū egregie formatus: sed circa umbilicum rubeam carnis massam habens: sub qua membrum muliebri, & infra hoc loco conuenienti virile quoque. Iacob. Rueff. lib. 5. cap. 3. de concept. & generat. hominis.

Anno domini millesimo quadragesimo octogesimo sexto ad Heidelbergam in agri Palatini pago, Rorbachio, gemelli duo nati sunt, dorsibus  
cohæ-

cohaerentes, & hermaphroditi ambo. Lycosthenes lib. prod. Ipse noui hermaphroditum, qui sequioris sexus seu muliebris putabatur, viroque nupserat, cui filios aliquot & filias peperit: nihilominus ancillulas comprimere, & in his generare solebat. Hier. Montuus de Med. Theoresi lib. i.

cap. 6.

C. Claudio, M. Perpenna Coss. mulier duplici natura inuenta. Obsequens.

MONSTROSI FOETVS

CIRCA PEDES, QUI VEL


NUMERO, VEL DEFE-

ctu, vel superabundantia, vel aliena

forma prodigiosi conformati sint.

MONSTRVM PRODIGIOSVM HV-  
manum, cruribus & tibiis coalitum, cauda suilla.

34.



34



G

ANN O

**A**nno Christiparæ Virginis supra millesimum quingentesimo nonagesimo septimo, secundo Maii, stylo nouo, monstrum hoc humanum, cuius Iconem tibi exhibemus, in percelebri Imperiali ciuitate Colonia in lucem prolatum est. Erat infans bene compactus, nisi quod in ceruice duos contiguos tumores instar duorum ouorum secum ex utero matris tulerit. Insuper femora pedesque ab imo ventre ad pedes usque coaluerant, digitis pedis sinistri omnino deficientibus, quorum loco in eodem pede sinistro calcis regione massula quædam prominebat, puellorum auriculari non absimilis. Retro, vbi natura anum denegauerat, cauda suilla cernebatur, atque paulo altius in coccige tumor vel adnatum quoddam oui magnitudine adparebat.

INFANS PRODIGIOSVS NATVS,  
*pedibus ternis, & vnico brachio.*

35.

35



36



**P** Africano & Lælio Coss. Amiterni puer tribus pedibus, vna manu natus. Iulius Obsequens.

INFANS TRIBVS PEDI-  
bus natus.

36.

**A** Ppio Claudio, P. Metello Coss. Amiterni puer tribus pedibus natus. Idem eodem libro.

PVELLA MONSTROSA QVA-  
drupes.

37.



P. Africano, C. Fulvio Coss. puella quadrupes nata. Idem.

Constantinopoli puer natus quadrupes. Lycosth. libro prodigiorum Anno Domini millesimo quingentesimo, nonagesimo quinto.

Puer quadrupes natus, Mauritii Romanorum regis tempore. Idem libro citato anno Domini millesimo sexcentesimo primo.

Plura huiusmodi exempla require supra in obseruatione, qui brachiis tribus vel quatuor nati sunt.

I N F A N S A B S Q U E P E D I -  
bus natus.

38.

**I**N villa Nebritz, non procul ab oppido Wutzenfi sito ad Moldam, natus est infans sine pedibus. Lycosthenes de prodig. & ostent. anno Domini millesimo quingentesimo trigesimo septimo.

In Piceno absque manibus & pedibus natos Romana tradit historia. Peucerus Teratolcopiæ pag. 442. facie auersa.

M O N S T R V M S V P E R N A P A R T E  
*hominis effigie ad umbilicum vsq<sub>3</sub>, inferna Syrenum caudam pedum loco referens.*


**O**Ctauo die Februarii, anno Domini millesimo quingentesimo quadragesimo primo in castro Diui Amandi Alliferi in solo Borbonico, ex iuuenula quadam mihi notissima natum est monstrum, hominis effigiem à capite ad umbilicum vsque referens, ab umbilico infra crurum pedumque ac digitorum pedis loco substituta est cauda Syrenum modo, pyramidalis figura, in latum tamen pedis magnitudine desinebat. Tinctus fuit hoc monstrum Christianorum lauacro, horamque à partu duntaxat vixit. Nicol. Rocheus de morb. mulier. curand. cap.

M O N S T R V M P E D I B V S C A P R I N I S.

**M**ichaelis Parpinacei Imperio, natum monstrum, quod pedes habuit caprinos, in media fronte oculum vnum. Peucerus li. 4. Chronici Carionis.

SINE PEDIBVS HUMANVS  
partus, quorum loco, & à lateribus habuit cuspi-  
des prominentes.

39.



39



**V**idensbachi, quod distat miliare vnum à Schleusinga, monstrum  
natum ex muliere, imagine infantis, absque pedibus, quorum loco  
habuit cuspidem demissam, à femoribus etiam cuspides prominentes ha-  
buit. Auctor Iobus Finckelius de miraculis.

Natos infantes vidimus, defectu membrorum mutilos, pedibus carē-  
tes. Iacobus Rueff, lib. 5. de concep. & gener. hominis.

**I N V E R S I S P E D I B V S I N F A N S**  
*natus.*

**I**N Saxonia infans Witebergæ natus inuersis pedibus. Lycosthenes in  
suis prodigiis, an. millesimo quingentesimo vigesimo quinto.

G 3

M O N.

MONSTROSVS PARTVS PEDE  
duntaxat vno, absq<sup>ue</sup> brachiis.

40.

**D**ecimo Octauo Calend. Maii, intra sextam & septimam Mysenæ natus infans, diuiso in fronte craneo, vnico crure sine labiis, oris loco exiguum habens foramen, reliquo truncatus corpore. Lycosthenes libro de prodig. & ostentis.

MONSTROSI PARTVS  
GEMELLORVM MULTIFA-  
RIAM CONNATORVM  
& cohærentium.

GEMELLI VNICO CAPITE  
*coniuncti.*

**A**nno Domini millesimo quingentesimo sexagesimo nono, Turonensis quædam mulier gemellos peperit, vnico capite coniunctos, & se mutuo complectentes. Horum ad me Sceleto misit Renatus Ciretus tota Turonensi regione famatissimus. Ambrosius Paræus operum suorum lib.

24. cap. 2.

G E M E L L -

## GEMELLI MONSTROSI NATI,

*vni saltem capiti prodigiose adherentes.*

41.

41



42



**L**ouanii septimo Idus Aprilis Anno quadragesimo septimo gemelli nati distinctis corporibus, vni adhærentibus capiti. Peucerus Teratopix pag. 440. facie auersa.

Quendam, qui circumferebatur Auennione, vidisse me memini, à ceruice infra bicorporeum totum. Valleriola locorum communium libr. I. cap. 18.

DVÆ VIRGINES, MONSTROSÆ,  
*frontibus connexæ.*

42.

**V**Num, cui<sup>9</sup> in Cosmographia sua meminit Munsterus, quod præ ceteris admiratione dignum sit, hic adscripsisse iuuabit. Colloquebantur,



tur, vt scribit, non procul à Wormacia ( in villa Birstat, quæ sita est inter Wormaciam & Bensheim, vt testatur Lycosthenes lib. prodig. & ostent. ) Anno salutis humanæ supra millesimum quadringentesimo nonagesimo quinto, duę mulieres, quarum cum vna vterum gestaret, ac tertia quædam ex insperato superueniens colloquentium capita concussit: grauida animo consternata, in concepto iam fœtu manifestum concussionis huius reliquit signum: siquidem cum iam parturiginis tempus adesset, enixa est didymos: erant duę puellæ corporibus integræ, sed in vertice fronte tenus connexæ inseparabiliter, & se mutuo inspicientes, cogeantur simul incedere, simul dormire & surgere, & cum vna procederet altera retrocedebat: nasi vtriusque sese fere contingebant, oculi vero non in directum, sed in latera tantum torqueri poterant, quia paululum supra oculos frõtes cohærebant. Extensa est vita illarum ad decimum annum, & cum tunc vna moreretur, illaque à superstite refecaretur, viua ab accepto vulnere, aut potius ex vulneris fœtore & cerebri putrefactione, sororem paulo post mortem est subsecuta. Hactenus Munsterus, quæ nisi is sese suis oculis vidisse affirmaret, quoniam supra hominum fidem sunt, non crederemus. Baldus Ronssseus lib. de hominis primordiis, &c. cap. 10. Cardanus li. 12. de subtil. Corn. Gemma lib. 1. Cosmocrit. cap. 6. Lycosth. lib. de prodig. & ostent. Ambros. Pareus lib. 24. cap. 2.

GEMELLÆ VIRGINES, INFERIORE maxilla, & pectoribus connatæ.

**S**exta Octobris supra millesimum quingentesimo septuagesimo tertio, geminorum se complectentium prodigiola species nata, ambobus quidem fœminei sexus, quatuor brachiis, pedibus quatuor. Erant connatæ pectoribus, atque inferiore maxilla, vt prorsus os vnicū videretur. Vixit ad spacium dimidiæ horæ. Dissecto cadauere, cor cuique suum, sua sede discretum, secus quam alias apud nos visum fuit. Gemma Cosmocrit. lib. 2. pag. 170.

GEMINI PECTORIBVS connati.


**B**ercheldiæ, in ditione Principis Illustriss. Palatini Electoris, in villa nõ procul ab Heidelbergâ, 14. Calend. Ianuarii, nati sunt gemini pectoribus

bus sibi affixis, vnico vmbilici dependentis vinculo constricto. Lycosthenes lib. prodig. & ostentorum. Anno Domini supra millesimum quadringentesimo nonagesimo quarto.

Anno supra millesimum quingentesimo quadragésimo primo, die decimo nono Februarii, Friburgi Myforum editi gemelli, iuncti totius anterioris thoracis cohæsu. Peucerus Teratoscopia pagina 442. b.

GEMELLI, PECTORIS COALITY VS-  
que ad vmbilicum conglutinati.

43



**I**N ducatu Wirtenbergenſi nati ſunt gemini, coalitu pectoris, ad vmbilicum vſque connexi. Idem eodem opere.

Nati ſunt gemini pectoribus ſibi affixis, & mutuo obuertiſis faciebus, vno vmbilici conſtricto vinculo. Iacobus Rueff. de concep. & genera. hominis lib. 5. c. 3.

H

Hei-

Heidelbergæ nati sunt gemelli, anno quadragesimo quarto, vtrique complicatis sese mutuo amplexi sunt manibus. Peucerus in Teratoscopia pag. 44b. b.

Nos Romæ vidimus Alexandri temporibus infantes geminos simul coniunctos, aduersis inter se vultibus ac manibus in eodem corpore: qui tamen parum vixerunt. Volaterranus lib. 24. de genitalibus.

AGALMA ET DELINEATIO. PARTVS MON-  
strofi bicorporis, Virginum gemellarum, capitibus, collo, pe-  
ctore & ventre cohærentium, quæ ab hinc an-  
nis duobus Argensina edita sunt.

44

44





tertia fere pars. Caput illi tantum, & superiores humerorum partes decurrant: quæ veluti in fitione quadam in integro illo latentes tam apte, quo diximus loco, coaluerant, vt sine labore, vitæque tædio, duo simul paulo minus quam tota corpora in vno homine viuerent. Brachia incepta illi tantum videbantur: reliquum vndique integrum corpus erat, quod ad alterius sensus, necessitatesque omnes etiam moueretur. Marcellus Virg. Comment. ad lib. 4. cap. 142. Dioscoridis.

Hoc ego etiam vidi in pandocheo quodam in oppido Castuariensi Pictonum, cum tertium decimum ætatis annum agerem, anno à Christo nato, aut passo supra millesimum quingentesimo decimo sexto. Nicolaus Rocheus de morbis muliebribus curandis, c. 32.

Superuixisse ex monstris solum eum constat, qui puelli medietatem ab umbilico inferius insertam habuit adeo, vt pene puelli etiam mingeret. Circumuagabatur hoc monstrum, iuuenis 25. annum præferebat, puelli pars inserta, qualis agentis decimum annum, seu crura, seu pedes inspiceres,

Hoc anno alium è Germania, priori similitum vidimus, ætas annorū circiter viginti quinque, sexus iuuenis incertus: pendulus infans masculus, nam è pene minxit, brachia & manus & crura contracta, sed crura non solum pro fœtus magnitudine, reliquæque diximus exilia, anus nullus, nec interstitium, sed vtrius in modum coniuncti clunes. Sensu carere oportuit, nam capite animal perfectum si destituatur, & motu & sensu carere necesse est. Sed si anima mulieris (propior enim fœminæ facies videbatur) animatus fuisset, animal perfectum plus quam quatuor notis moueri potuisset. At hoc & ab Aristotele, & à nobis alibi fieri non posse, demonstratum est: nihil tamen prohibet moueri seorsum partes, vt digitos. Cardan. lib. 12. de subtilitate.

Monstrum mihi oblatum est Parauii dissectandum, erat infans semestris mas, vt alii mares sunt, cui alius imperfectus infantulus anteriore parte incumbebat, cruribus, brachiis, dorso, abdominis parte, pene, medioque collo. Videbatur autem caput huius imperfecti puelli in thoracem perfectioris intrusum. Hoc monstrum vixit aliquandiu. Quamobrem inter studiosos viros lis orta est & quæstio, vtrum Cor illi vnicum adesset, vel duplex: idem de iecore, cerebroque quæsitum est, & de aliis internis membris. Marcus Antonius Ianua, illustris philosophus vnicam in illo subiecto animam esse opinabatur. Nam si quis imperfectam illam appendicem, &

pon-

pondus inutile attigisset, quem integrum membrorum omniū diximus, statim perentiscere animaduertebatur. Non deerant tamen quibus oppositum videretur. Hoc itaque monstrum vbi diem suum obiit, ego, rei nouitate allectus, libenter fecui, quæ autē obseruauī hæc fere sunt. In imperfecto, quem dixi, nonnulla intestina aderant, ex quorum vnius portione tum vesica, tum anus constituebatur, nullum ibi aderat iecur, neque cor, neque cerebrum, sed ren permagnus, quem ego pene hepatis munere fungī sum opinatus, nam ab extremo iecore perfecti infantis crassa vena, duraque instar arteriæ deducebatur ad renem illum insignem, atque inde venæ aliæ complures passim distribuebantur, at ab arteria dextra axillari perfecti puelli arteria ortum ducebat, quæ postmodum per vniuersam partem monstri imperfectioris diducebatur. Item à neruis dextri brachii exibant, qui per reliquum corpus imperfecti homunculi disseminantur. Columbus de re Anatom. lib. 15.

Cum hæc scribo, Anconam venit puer Illyricus sex natus annos, boni sane habitus, exacte & perfecte omnia membra habens, monstrum tamen præferens, quia ab eius vmbilico thoracem versus, alterum pueri corpusculum deducebatur absque tamen capite, sed duo habebat brachia, duo crura, sed vtraque immobilia, ano carebat, sed scroto absque didymis, id est, gemellis testiculis, ornabatur, non secus ac pelle oblonga quadam glandis vice, per quam vrina fere semper defillabat. Sed puer cum mingebat, & per hanc quoque viam vrinam repente mittebat. Erat autē puer hic ita omnibus admirationi, vt eo parentes per vniuersam Italiam magnam corraferint pecuniam, fuit autem hoc monstrum Anconæ, anno supra millesimum quingentesimo quinquagesimo secundo. Amat. Lusit. Curat. 57. cent. 3.

Illud quod nuper ex nundinis Francofordianis (vnde velut ex Africa semper aliquid noui ad nos perfertur) accepi, obticere non possum. Anno à Christiparæ Virginis partu, supra sesquimille & quinquaginta sex annos, ad quartum à celebri vrbe Argentina lapidem, mulier inops in pago quodam enixa est masculum, cui per epigastrium infra *ξ. ποενδία* orificii ventriculi cartilaginem, manu transuersa, prominebat moles infanti non dissimilis, cuius caput cum ceruice ad scapulas vsque intra pectus cognati masculi latere videbatur: si modo vllum habuit. Brachia vero vtrimque cum manibus eminebant foras: sinistra manus quatuor, dextra tribus digitis constabat. Nates vtraque habuit leniter extuberantes, diuarcatis vs-


que ad sui cognati crura pedibus, quorum inuersa planta dextra tabescebat, hispidam sub axillis & in pube lanuginem, & penem virilem, vnde serum sanguinis eminxit, vt embryo inter *ἀλλαντοειδέα* & *ἀμνιον* tunicas suum effundit lotium, & proinde ac fœtus in vtero nihil excrementi per annum egertit, sic quoque nihil excreuit, hos enim seminis copia ita agnatos coaluisse in confesso est, qui nundinis elapsis octo numis videndi prostabant. Langius epist. 8. Tom. 2.

Anno post Christum natum supra millesimum quingentesimum vigesimum nonum, in quodam Hercinix Syluz superioris pago infans natus est, & in iustæ staturæ virum excreuit, vniuersa corporis figura masculite habens, nisi quod vbera haberet, & ex ipsius pectore alterius corpus propenderet, sine capite & humeris, brachiorum informē figuram proidentes, manibus plus ad pedum, quam manuum formam accedentibus. Iacobus Rueff. lib. 5. cap. 3. de conceptione & generatione hominis.

F O E T V S

FOETVS PRODIGIOSVS VIRILIS SEXVS,  
*cuius è pectore aliud integrum corpus, solo abscondito ca-  
 pite, dependebat.*

45.



**C**olmaræ imperialis Alsatæ oppidi ad illum fluuium siti natus est in-  
 fans virilis sexus, ex cuius pectore aliud integri hominis eiusdem se-  
 xus corpus omnibus absolutum, ad genua vsq; protēdebat, solo capite in  
 alio corpore infixo. Lycosthenes lib. prodigiorum, anno millesimo, quin-  
 gentesimo decimo quarto.

Ex Sabaudia in Heluetiam venit quidam iustæ ætatis, integra forma,  
 membris bene compactis omnibus, ex cuius tamen ventriculo præterea  
 aliud hominis corpus ita prope dependebat, vt caput tantum atque brachia so-  
 la de-



la deessent. Circumtulit Vir bonus hanc molem, magno hominum vndiquaque confluentium spectaculo & admiratione, per regiones diuerfas, ex corpore miraculoso quæstum faciens. Idem, anno millesimo quingentesimo decimo nono, citati operis.

In Hercyniæ syluæ quodam pago, non procul à Kniebis, infans monstrosus natus est, virilis sexus, in corpusculo circa pectus aliud præterea corpus membris omnibus absolutis propendebat ad genua vsque: solo capite in alio corpore tecto. Peruenit monstrum hominis ad virilem vsque ætatem, hinc inde miraculi loco, ac Argentinæ adhuc, in nundinis circa Ioannis Baptistæ festum 1555. ac sequenti, quo hæc scribimus, apud nos Basileæ in Nundinis D. Martino sacratis conspectum est. Idem.

Anno Domini millesimo quingentesimo trigésimo visus est vir Lutiæ, ex cuius aluo alter velut confitus homo pendebat, membris omnibus, capite excepto, absolutus. Vir ille quadragenarius erat, insertumque illi & velut prodeuntem ex sese hominem tanta omnium admiratione vlnis suis gestabat, vt certatim ad spectaculum accurrerent. Pareus operum suorum lib. 24. c. 2.


Vidi in hac vrbe ante annos circiter viginti, virum, non magnæ stature, qui corpus humanum, aliud à suo integrum à ceruice, qua thoraci illius adnatum erat, gestabat. Hoc à thorace in terram vsque propendebat, omnibus aliis partibus, præter caput, quod ac si corpori intrusum esset, non apparebat, absolutum, vnguibus in super, pilisque sub axillis ac pube ornatum. Hoc, quotiescunque vir ille mingebat, similiter vrinam profunde-  
bat, podice alias clauso, & nullibi apparente. D. Felix Platerus de obseruationibus propriis Parenti meo communicatis.

AGAL.


HUMANIS.  
AGALMA GEMELLORVM, quorum alter caput circa pectus alterius insertum habuit, ad  
vivum ectypum effigiatum.

85

46.



47



48



DE MONSTRIS  
MONSTROSI GEMELLI, PECTORE  
& ventre connexi & congluinati.

47.

**O** Ctauo Idus Februarii hora quinta, eodemque minuto, Scaphusiæ Heluctiorum nati sunt infantes duo, vterque foeminei sexus, capitibus duobus, brachiis quatuor, totidemque pedibus disiunctis, vno vero corpore à collo ad vmbilicum vsque, vmbilici subtus vinculo propendēte, Lycosthe. libr. Prodig. anno Domini supra millesimum quingentesimo quadragesimo tertio. Vide quæ annotauimus de geminis lateribus ex Rueffio, num eandem vel aliam historiam inaudiat, annus & locus respōdent, sed coalitu partium differunt.

Anno Domini millesimo, quingentesimo, septuagesimo secundo, in Ponte Sæo ad Andes oppidulo, prodierunt in lucem, decimo die Iulii, gemellæ foeminae, cetera membris omnibus perfectæ, nisi quod alterius manus sinistra quatuor digitis tantum distincta erat. Cohærebant autem anterioribus partibus, nempe à mento ad vmbilicum vsque, qui ipsi vnici, & cor vnum erat: hepar vero in lobos quatuor diuisum. Vixere semihorâ, & regenerationis lauacro insignitæ fuere.

Vidit parens hic Louanii ita commissos, vt capite distincti, brachiis, manibusque quatuor, ventre, & sterno pectoribus copularentur. Inuentum illo præsentē per anatomen: cor commune, cerebrum suum cuique secretum. Neque vulgaris quæstio, an pro vno homine, an pro duobus foret genus hoc monstri philosophis appellandum. Orta est contentio varia, aliis sedem τῆς ἐν τελεχέας, in corde; aliis in cerebro collocantibus. Mihi quidem (saluo semper meliøre iudicio) formæ humanæ dignitas ex rationis domicilio potius æstimanda censebitur, quanquam in corde sit fons caloris vitalis, ac facultatum animalium & naturalium præcipuus nodus, hoc enim ad vitam, & totam animalis compositionem potius, quàm ad differentiam spectat. Adde his, quod & formatrix vis, quæ primum cuncta delineat, atque discernit, in cerebro habere primam sedem certissime demonstretur, si quis nostræ conceptionis monogrammata, seu embryonis primum formati rudimenta per sectionem Anatomicam accuratissime contempletur: semper enim particulis cæteris grandius caput inuenimus, quin & perpetua proportionē minora singula membra, quanto longius

gius à capitis regione distiterint, donec plenæ formationis typum sunt cõ-  
tecuta. Idem in ranis aliisque animantibus facile est animaduertas. Gem-  
ma Cosmocrit. lib. cap. 6.

Partus monstrosus nuper Treisæ editus, ita fuit formatus, & editus à pa-  
rentibus probis, inferioris & tenuioris fortunæ, qui que victum ex diario  
labore quæritant, pedibus primum, præter naturalem & consuetum pa-  
riendi modum, in lucem prodiit, vita caruit, quanquam paulo ante tem-  
pus pariendi vitalem senserit puerpèra, partus is gemelli fuerant, seu duo  
infantes, vterque fœminei sexus, qui antico corpore, pectore nimirum &  
ventre coaluerant, & conglutinati erant, bina capita habuerunt, ternis e-  
rant auriculis, & quarta auris erat tantum quædam particula inferius de  
aure pendula, quaternis pedibus, quaternis item brachiis, mucuos ample-  
xus habuerunt. Cum autem cogitatio mentem meam subiret, an ne et-  
iam interiorum partium non naturalis quædam formatio, aut coalitio fo-  
ret, consensu Parentum & Parochi dissecai cum Chirurgo præsentem Pa-  
rocho & Diacono: offendimus autem interius vnum ventriculum, vnum e-  
par, idque satis amplum & latiusculum, quemadmodum etiam habue-  
runt foris vnum magnum umbilicum & ductum, quo hauserunt mater-  
num alimentarem sanguinem: intestina erant vnusmodi, nec ita diuisa  
aut disterminata, vt quilibet infans sua haberet, nihilominus duos sple-  
nes, in vtroque ventriculi latere vnum, habuerunt, quemadmodum et-  
iam duas vesiculas fellis, vtrinque iecinori subnexas, habuit præterea qui-  
libet infans binos suos renes, suam vesicam, suam que matricem, & partes  
genitales, singula iusto suo loco sita. In medio ventre pectore nimirum,  
habuerunt vnum cor amplum & latum, quod non circumplicabatur à  
pulmone, vt alias solet, sed membrana, mediastinum dicta, quæ medium  
pulmonem dorso & pectori alligat, erat gemina, quæ tanquam duo parie-  
tes, & latera aliquatenus à se distantia, intermedium cor cum pericardio  
continebat, vtrinque deinde in reliqua cauitate pectoris erat exigua por-  
tio pulmonum, suis ligamentis alligata, vt non vnum, sed duos pulmones  
cognouerimus. Capita non fuerunt aperta aut dissecta, fuit enim cuique  
infanti suum peculiare caput, nec aliquid singulare & præter naturam in  
his fore arbitrabamur conspiciendum. Quare post diurnam inspectio-  
nem fuerunt tum terræ mandati: aliquot etiam maculæ visæ sunt, præser-  
tim in brachiis, & posteriore parte corporum, alterius etiam caput non ni-  
hil grandius fuit altero. Cl. V. D. Ioachimus Camerarius de suis Obserua-  
tionibus ad parentem meum missis.

48.


**H**eidelbergæ ad Neccarum flumen nati sunt die Pentecostes duo cõ-  
iuncti, & masculi, duobus corporibus, ventre conglutinatis, duobus  
capitibus, quatuor manibus & pedibus, quorum mater Catharina, Pater  
vero Casparus Besler faber. Baptisati sunt ambo, quorum vnus Ioannes,  
alter vero Hieronymus nuncupatus est, vixerunt diem vnum cum dimi-  
dio. Defunctis vero à Medicis membra interiora per sectionem visa, cor  
tantum vnum inuentum est. Lycosthenes prodig. Anno Domi-  
ni supra millesimum quingentesimo quinquage-  
simo quarto.

G E M E L-

GEMELLÆ VIRGINES, VENTRE  
coalita.

49.

49



50



**H**erbesebii in Thuringiæ pago, vigesimo Martii, gemellæ natæ sunt ventre concreto, ac fascia carnea in vnũ quasi colligatæ, medio corpore se mutuis amplexibus retinentes. Idem eodem opere, anno Domini supra millesimum quingentesimo quinquagesimo tertio.

In fine Iulii anno millesimo quingentesimo trigesimo octavo, mulier quædam peperit geminos scæminei sexus, solo ventre, vnico vmbilico tantum insignito, connatos. Vissénac. lib. 2. Theoricæ p. 83.

## GEMELLI VMBILICO CONNATI.

**C**onstantiæ ad lacum Acronium, duo infantes, masculus ac scæmella, duobus capitibus, quatuor brachiis, totidemque pedibus, membris  
1 3 omni-

omnibus absolutis, sed circa umbilicum coniunctis corporibus nati sunt. Lycosthen. lib. prodig. anno. 1093.

In pago vallis superioris Arni, nomine Tertanio, monstrum est natū, habens duos pueros, vno umbilico ad inuicem iunctos, cui ab vno latere & genitalia erant membra, & bina quoque pendebant inuvalida crura, ab altero vero latere crus solum exibat imperfectum, vixitque diem vnum. Lycost. prodig. anno Domini 1503.

In pago Grossou agri Tigurini apud Heluetios, mulier honesta peperit masculos duos, duobus capitibus, vno quidem corpore, umbilici vinculo coniunctos, quatuor manibus, totidemque pedibus. Idem eodem opere sub annum millesimum quingentesimum trigessimum.

Anno supra millesimum quingentesimum nonagesimū, quarto Maii, circa meridiem, in pago Hermeltzheim, ditionis Episcopatus Argentoratensis, Margaretha Theobaldi Helden, ciuis, vxor enixa est fœtū bicipitē, quadrimanum, quadrupedem, duobus membris muliebribus, omnibus reliquis partibus, vno excepto umbilico, quo nimirum colligati erant gemelli, distinctum. Wilhelmus Mees amicus noster.

PARTVS BICORPOREVS, VM-  
bilico vice versa connexus.

50.

**D**ie vigesimo secundo Maii, qui fuit diēs Martis, Anno post Christum natum millesimo quingentesimo septuagesimo quinto, Venetiis è fœmina Hebræa admirandum, formidandumque monstrum enatum est; duo quippe infantuli, corporibus inuicem conglutinatis & cohærentibus, quorum singuli capite oreque donati cibum potumque naturaliter assumebant; possidebant insuper brachia, & pedes inter se complicatos: destituebantur locis secretis & naturalibus, quorum vicem umbilicus supplebat. Quæ omnia adpictum agalma viuæ delineatione clarius ob oculos ponit, ac de eius veritate, si opus foret, præfata Venetia testatur.

GEMINI LATERIBVS CON-  
iuncti.

**I**N oppido Seckingen (patria Viri Clarissimi Ioannis Iacobi Beureri in Academia Frib. Professoris, amici Paterni singularis) tribus miliaribus supra

supra Basileam ad Rheni ripam sito, gemini nati sunt, coniunctis lateribus, qui tamen propter matris grauius parturientis dolores, non diu vixerunt. Lycosthenes lib. prodigiorum anno Domini millesimo quingentesimo quinquagesimo quarto.

In Acken oppido Saxonix ad Albim, infantes femoribus lateretenus connati sunt visi, eo situ, vt dexter sinistra manu humero dextero alterius incumberet, sinister dextram thoraci alterius transuersim prætenderet. Peucerus Teratoscopix pag. 441.

Scaphusia Heluetiorum anno millesimo quingentesimo quadragesimo tertio, infantes duo nati sunt, coniuncto altero latere, capitibus duobus, brachijs quatuor, totidemque pedibus, vmbilico vno, fœminei sexus vterque. Ex his alter mortuus in lucem prodiit, alter vero vivus prodiens, continuo expirauit. His per omnia similes alij quoque anno millesimo quingentesimo quinquagesimo tertio, in Einsiedel nati sunt. Iacob.

Rueff. de concept. & generat. hominis libr. 5.  
capit. 3.

I C O N I



## GEMELLORVM FOEMINEI SE-

*xus, lateribus coherentium, ab amicis communicata, &  
ad vinum apposita.*



GEMINI VTRIVS QVE SEXVS,  
*obuersis tergoribus connexi.*

52.

**I**N Palatinatu non procul ab Heidelberga in pago quodam Rorbachio  
gemini vtriusque sexus, obuersis tergoribus annexis, nati sunt. Lycost.  
prodig. lib. anno Domini 1486.

Nati sunt quidam tergoribus annexis, singillatim vmbilici vinculis  
propendentibus, distinctis membris, nullo deficiente aut superante. Iacobus  
Rueff. de conceptione & generatione hominis lib. 5. cap. 3.

Anno

Anno Domini millesimo quadragesimo septuagesimo quinto Veronæ in Italia natæ produntur duæ Virgunculæ, sibi dorso ab humeris ad nates vsque arctissime cohærentes. Monstri nouitas pauperes parentes impulit, vt id per omnia Italix oppida, ad corrugandum ex accurrente vndique multitudine pecuniam, circumferrent. Pareus libr. 4. c. 2. historix.

Eiusdem (vt apparet) historix meminit Lycosthenes prodig. libr. his verbis. In Veronenſi, inquit, agro infans fœmina orta est, binis genitalibus, duplici ventre, quaternis brachiis. Id monstrum parentes multum diuque per Italix vrbes quæstus causa circumtulere. Vide annum Domini allegatum.

Simile Romæ anno supra millesimum quadragesimo nonagesimo tertio visum annotauit Corn. Gemma Cosmocrit. lib. 1. ca 6. Ex Lycosthenes, cuius hæc sunt: Romæ gemini nati sunt, simulque vno corpore iuncti, aduersis inter se manibus ac facie, qui pauxillos vixerunt dies. Vide eiusdem prodig. lib. anni citati.

In Romana historia Urbis 660. geminas puellas dorforum concretionem continuas, natas legimus C. Lælio & L. Domitio Coss. Peucerus in Tera-toscopia. pag. 441. b. forte ii, qui à Ruffeo adducuntur proxime.

Vulsiniis gemelli nati, tergis sibi affixi, capitibus duobus, brachiis quatuor, totidemque pedibus, vterque sexus fœminei. Iacob. Rueff.

de concept. & generat. hominis lib. 5. cap. 3.

\* \*

K

B-I-

DE MONSTRIS  
 BICORPORA TERGORI CON-  
*nata: quorum anticum hominis, posticum canis*  
*forma.*

53.



54



**C**irca finem Imperii Lotharii Cæsaris, qui fuit Saxoniz Dux, quædam mulier edidit partum monstrosam, specie videlicet hominis ac canis, integerrime corporibus coniunctis, dorso connexis, ac dorsi spina solidissime conglutinatis. Lycosthen. lib. prodig. Anno domini 854.

In Albania ignobilis muliercula monstrum bis gemini corporis est enixa, auersis vultibus, & corporibus sibi cohærens: ante quidem effigies hominis, integro corporisque membrorum homine distincta, retro vero facies canis, similiter corporis, & membrorum proprietate integra. Idem Anno Domini 1126.

M O N-

## MONSTRA BICIPITIA, ET GE-

*mina superna corporis parte, inferna simplicia.*

**A**Nte annos aliquot nostra certe memoria in Oriente duplex homo natus est superioribus membris, inferioribus simplex: nam duo erant capita, duo pectora, quatuor manus, venter autem vnus, & pedes duo, sicut vni homini, & tam diu vixit, vt multos ad eum interdum fama traheret. D. Augustinus de ciuitate Dei lib. 16. c. 8.

Augustinus in Enchiridio c. 87. facit mentionem bimembris cuiusdam nati, tum in Oriente, sed descripti ab Hieron. apud quem est: Lyddæ natū hominem duorum capitum, quatuor manuum, vno ventre, duobus pedibus. Martinus Weinrichius Comment. de monstris. c. 24.

Constat monstrum in Ægypto nimirum vixisse ad quartum vsque annum, quod vmbilicotenus ex duobus constabat, infra autem vnus erat puer. Cardanus Comment. ad Hippoc. de sep. partu.

Anno Henrici III. Imp. V. in confinio Ortmanniæ & Britanniaë portentum aliquod visum est in vna vel potius duabus mulieribus. Duo erant capita, & quatuor brachia, cætera gemina vsque ad vmbilicum, inferius singula omnia. Comedebat, ridebat, loquebatur, vna flebat, esuriebat, altera tacebat, ore gemino manducabat, sed vno meatu per ventrem eiiciebat, vna defuncta superuixit altera, pene triennio mortuam portans, donec & pondere molis, & nidore cadaueris defecit. Vincen. lib. 26. cap. 38. Speculi historici, ex Guillerino. Sed hæc Matth. Palmerius retulit ad annū Christi 1061.

In infante nato in Britannia, cuius genitalia genitalibus inserta erant, crura commixta, vt in duo redirent, cætera duorum, caput, brachia, venter atque ex aduerso positi, mortem regis, mutationemque regni, & sororis successionem ostenderunt. Cardanus lib. 14. c. 77. de varietate.

In Anglia natus est puer geminus à clune ad superiores partes ita diuisus, vt duo haberet capita, duo corpora integra ad renes, cū suis brachiis, qui baptizatus triduo superuixit. Lycost. lib. prodig. Anno Domini 1112.

Aliquando fit bicorporeum superius vel inferius, sicut accidit de eo, qui fuit natus Cracouia cum duobus capitibus, & postea continuata erant duo corpora in collo & in dorso vtriusque, & inferius videbatur vnum corpus. Albert. Comment. ad librum 2. Physicorum Arist.

In agro Florentino natus puer bicorpori effigie : geminis capitibus, quaternis manibus, circa genitales partes connexus, sic quod non amplius quam in geminos pedes desineret, viderunt illic omnes. Ad nos autem, qui tunc in Gallia degebamus, per amicos ciues imago picta transmissa est. Ingenisque solius ad picturę spectaculum concursus hominum fuit. Septimum ætatis annum agens, genitorem meum vidi tabellam eiusmodi in manibus tenentem. Sciscitatus quid esset? Rem omnem eo monstrante didici: & aure conuulsa meminisse iussus: enarraturus filiis, vt ipse dicebat, meis. Ego autem & nepotibus renarro. Et hic quidem partus diebus (vt perhibent) paucis vixit. Franc. Petarcha lib. 4. cap. 21. de rebus memorandis.

*Hac Petrus Paulusq, vno sub corpore bini  
 Fabrica natura mira iacemus humo.  
 Cuiq, suum fuit & manuum: fuit oris opusq,  
 Vesica: ast vnum ventris opusq, fuit.  
 Iunxere extrema partes nos corporis ambos,  
 Quas neuter simul & dicat vterq, suas.  
 Neutra ex parte pedes, capita ex vtrag, fuerunt  
 Bina, sed è medio corpore planta fuit.  
 Bina fuit medio que corpora planta deorsum  
 Pendebat: sursum quinta erat vna manus.  
 Non vero nobis vnus somnusq, cibusq,  
 Nec risus nobis: fletus & vnus erat.  
 Somno membra dabat vnus, ridebat & alter,  
 Sugebatq, vnus, flens quoq, & alter erat.  
 In Florentina natos nos fluminis Arni  
 Valle dedit patria, nos pia cura patris:  
 Inde alti: & sacro pariter de fonte lauati,  
 Viximus ambo decem, bis totidemq, dies.  
 Quid nunc Neptunum: quid nunc Ianumq, bifontem  
 Miraris? stygii terna quid ora canis?  
 Et quid Geryonis tria corpora? scilicet vnum  
 Nos corpus: binas nos animasq, lege.*

Idem de eodem monstro tractatu 7. cap. 2. eiusdem operis. Effigies monstri huius nati in comitatu Florentinorum sculpta est in hospitali ad scallas.

las. Lycosthenes ad annum Domini 1310. retulit. In oppido Germaniæ Rottwil ad Herciniam syluam sito infans duobus capitibus, quatuor manibus, duobus pedibus natus est.

Idem lib. prodig. anno Domini millesimo quadragesimo nonagesimo quarto.

Ante annos aliquot (nimirum 1489. vt annotauit Cornelius Gemma) in ditone Werdenberga, monstrum fœminæ sexus natum est capitibus duobus, brachiis quatuor, pectore & ventre vno, pedibus duobus. Eucha. Rhodion lib. de partu hominis cap. 3. & Iacob. Rueff. lib. 5. cap. 3. de conceptione & generat. hominis.

Anno Christi supra millesimum, quingentesimum quadragesimum tertium, altera à D. Catharinæ die, mulier quædam in pago Reinach, prope Basileam, monstrosam partum enixa est: superna scilicet corporis parte geminos, at ventribus & pectoribus ad collum vsque conuictos, sed distinctis capitibus duobus, sese inuicem contuentibus: & quatuor brachiis mutuo se complectentibus, genitali vnico, eodemque masculo, ano item vnico: reliquo inferioris corporis trunco simplici, in duos solum pedes desinente. Ex his alter mortuus, alter viuus in lucem prodiit, qui tamen horam vnica non superuixit. Similis partus alius Anno Christi 1063. in Vngaria visus est, cæterum fœminæ sexus. Munsterus Cosmographiæ lib. 3. Edit 1564. pag. 50.

Monstrum noui generis in Scotia natum est, inferiore quidem corporis parte specie maris, nec quicquam à communi hominum forma discrepans, umbilicum vero supra, trunco corporis ac reliquis omnibus membris geminis, & ad usum atque speciem discretis. Id rex diligenter & educandum & erudiendum curauit, ac maxime in musicis, qua in re mirabiliter profecit, quin & varias linguas edidicit, & variis voluntatibus duo corpora secum discordia dissentiebant, ac interim litigabant, cum aliud alii placeret, interim veluti in communi consultabant. Illud etiam in eo memorabile fuit, quod cum inferna crura lumbine offenderentur, commune corpus vtrumque dolore sentiret, cum vero superne pungeretur, aut alioqui læderetur, ad alterum corpus tantum doloris sensus perueniret, quod discrimen in morte fuit magis conspicuum. Nam cum alterum corpus complures ante alterum dies extinctum fuisset, quod superstes fuit, dimidio sui computrescente paulatim contabuit. Vixit id monstrum annos viginti octo, ac decessit, administrante rem Scoticam Ioanne

prorege. Hac de re scribimus eo confidentius, quod adhuc supersint homines honesti complures, qui hæc viderint. Georgius Buchananus Scoticae historiae lib. 13.

MONSTRA SUPERNO SVI  
*corporis trunco simplicia seu unicolora: ac  
 inferna parte duplicia seu bicor-  
 pora.*

**C**ontigit in Italia non longe ante ista tempora, visum est monstrum in specie humana, sexu muliebri figuratum, continuum vsque ad pectoris cavitatem, & ab inde duplex exstitit perfecte: quod fuit optime cantatiuum, & huic simile dicit se vidisse Haly in tech. de causis. Petrus Ap-  
 ponensis Comment. ad problema 62. Partic. 10. Arist.

Aliquando fit bicorporum superius, vel inferius, sicut accidit de eo, qui fuit natus cum duobus capitibus, & postea continuata erant duo corpora, in collo, & in dorso vtriusque, & inferius videbatur vnum corpus. Aliquando autem visus natus est e contra, qui quatuor habuit crura: & vnicum & continuum corpus apparuit in superiori parte, quod absque dubio contigit ex diuisione spermatis in matrice. Albertus comment. ad ca. 2. lib. 2. Aristot.

PUELLA SUPERIORE COR-  
*poris parte simplex, inferiore duplex.*

54.

**B**ernæ in Italia puella nata est, vno capite, duabus posterioribus corporis partibus, totidemque membris. Lycosthenes de prodig. Anno Domini millesimo quadragesimo septuagesimo secundo.

P A R.

PARTVS MONSTROSVS VS-  
que ad genitales partes bicorpor, cruribus & pedibus  
simplex.

55.

55



56



**C**irca hæc tempora in agro Florentino puer natus bicorpori effigie, geminis capitibus, quaternis manibus, circa genitales partes connexus, sic ut non nisi in geminos pedes desineret. Et hic quidem partus, diebus (ut perhibent) paucis vixit. Lycofthen.

BICIPITIA MONSTRA, QUÆ VNA VEL  
manibus, aut pedibus, vel vtriusq. simul monstrose confor-  
mata fuerant.

**C**ælio, L. Domitio Coss. puella biceps, quadripes, quadrimana, gemina fœminea natura, mortua nata. Iulius Obsequens.

P R O.



## PRODIGIOSVS INFANS BICEPS.

*tribus manibus, & totidem pedibus.*



56.

**I**n agro Tigurino natus est infans ei plane similis, qui in Heluetiis etiam in pago Gossoun, ante sexennium natus est, vno scilicet corpore, duobus capitibus, tribus manibus, totidemque pedibus. Lycosthenes lib. prodigiorum, Anno Domini millesimo quingentesimo trecentesimo sexto.

GEMINI, PECTORIBVS ET

*ventre cohaerentes, absq; secreto sexum prodente.*

57.



**V**igesima septima die decembris, qui Divo Stephano sacratus est, in pago Freywerck, non procul ab Adorffio Voitlandiæ oppido, biceps infans, quatuor manibus ac pedibus totidem, absque secreto sexum prodente (cuius tamen loco umbilicum habebat) à fabri cuiusdam ferrarii vxore natus est. Idem anno Domini supra millesimum quingentesimo quinquagesimo quinto.

*I N F A N S M O N S T R O S V S B I C E P S ,  
quatuor brachiis, totidem pedibus, & ventre vno.*

58.

**N**on procul à Lipsia biceps infans, quatuor manibus totidemque pedibus, vno autem corpore tantum, natus est. Idem sub annum Domini millesimum quingentesimum, quinquagesimum sextum.

L . . . I N .

INFORMIS HVMANVS PARTVS §  
*duobus capitibus, quatuor brachiis, manibus totidem, pedibus tri-*  
*bus, ceteris prodigiöse conformatis.*

§9.

60



59



**A**nno millesimo quingentesimo quinquagesimo secundo in Anglia, non procul ab Oxonia, informis quidam partus natus est, capitibus duobus, brachiis quatuor, manibus totidem, ventre vno, membro muliebri, sede vna. Ex vna parte pedes transuersi duo erant. Ex altera vnus tantum rite exporrectus, forma duorum pedum, digitos habens decem. Horum alter diebus quindecim, alter vero vno superuixit. Lachrymarunt hoc tempore raro. Alter ex his latus admodum, alter vero somniculosus & tristis exstitit, viginti digitos transuersos erat longitudo & latitudo ipsorum. Jacob. Rueff. de concep. & generat. hominis lib. 5. ca. 3. Lycost. addit 3. Augusti inter decimam ac vndecimam noctis horam Mildelstonsi in Anglia natum.

## MONSTRVM HVMANVM BIFRONS

*sexus vtriusqꝫ, cæteris omnibus membris prodigiōse constitutis.*

60.

**G**eneuæ an. 1555. a vud Allobroges monstrum, ex Galla quadã muliere, Geneuæ tunc habitante, natum est: quod materiæ redundantis indicium fuit. Id monstrum binas habuit facies, hoc est, bifrons erat, qualem Ianum pinxit antiquitas. Quod vtrimque pendet inflatum, intestina sunt, ex dorso prædeuntia. Quod autem ex ventris inferiore parte pendet, id iecur est, è fœminæ vulua prolapsum. Monstrum hoc vtrumque habet sexum, ad dexteram mas est, ad læuam fœmina. Crura quæ iacere separatim vides, sic discerpta, avulsaque ex ipsa matre, dum eniteretur, fuerunt. Ad vivum expressit Gaspar Maserius pictor, qui tum ibidem cum multis aliis aderat. Lycoth.

TOTO CORPORE, AVT PLERIS-  
*que sui partibus monstruosus natus infans.*

**I**n Thracia, paulo ante Mauritii Romanorum Regis obitum, mulier portentum genuit monstruosum profus, naturæque ipsius piaculum. Oculis namque, palpebris & superciliis caruit, neque vel reliqua corporis constitutione formam & effigiem iustam habuit: quippe cui neque manus neque brachia essent, & cui ad coxendices cæuda piscis illis innata dependeret. Quod portentum vbi Mauritius Imperator vidit, interfici id iussit, gladiumque statim exosculatus est. Mater autem, quæ monstrum ipsum protulerat, quandoquidem sua culpa ad inopinatum miraculum nihil contulisset, crimine absoluta est. Lycothænes prodigiorum lib. anno Domini 601.

DE MONSTRIS  
 INFANS HORRENDO ASPECTU,  
 contusis & laceratis membris, capite quasi pileo  
 Turcico.

61.



62



**I**N Saxonia mense Februario infans natus est horrendo aspectu, corpore quidem integro & bene compacto, sed contusis, laceratis, & laxatis membris omnibus excepto capite oblongo, ac quasi Turcico pileo insignito. Idem lib. prodig. anno Domini 1545.

PARTVS MONSTROSVS ABSQVE  
 dorso & ventre, cui intestina nuda dependebant,  
 totus prodigiosus.

62.

**I**N Ploa Voïtlandiæ oppido infans natus est monstrosus, in eo enim neque dorsum, neque venter apparuit, præterquam quod intestina circa pectus

pectus ex aperto corpore longe dependerent, pedes versus caput inclinavit, umbilicum in mola sinistrae tibiae habuit, capite fuit acuminato ad similitudinem cidaris aut tyrae. Idem lib. prodig. anno Domini 1547.

## SINE CUTE NATVS.

**L** Vdouicus Vngariae & Boemiae Rex, sine extrema cute, quam *imdepul-*  
*da* vocant, editus est Arteque & inunctionibus ea producta, vel adolefcens **canos** aliquot alebat capillos. Vnde aliqui non diu duraturum regnum, portendi, sunt arbitrati. Sambucus in appendice Bonfinii.

INFANS EDITVS, HABENS IN VENTRE prominentem cultrum.

63.



L 3

An-

**A**Nte bellum Germanicum, quod Carolus Quintus Imperator, aduersus Ducem Saxonix & foederatos gessit, vt Marcus Frytschius in Meteorologicis refert, natus est infans in pago quodam Francorū, cui exempto ex aluo matris culter iacuit in ventre, eminens cuspidē extra ventrem, qui & paulatim facta suppuratione extractus est. In suis Chronologicis Lycosthenes.

PALLIO CARNEO AMICTVS NATUS  
*quidam.*

64.



**B**Remopirgi Marchix vrbe infans natus est, ita in corpore circumflua & laxa carnis mole, vt indutus fago militari germanico crederetur. Iobus Fincelius de miraculis.

PVEL-

## PUELLA NATA MAMMILLIS PENDV-

*lis, pilis alarum atq; pubis ornata, cui etiam men-  
strua recens nata fluere.*

**M**Eis temporibus præsentata fuit puella, quæ nata fuit dependentibus vberibus: & cum pilis inguinis & scellarum: & fatebatur mater eius etiam, quod patiebatur resolutionem menstruorum, quod absque dubio accidit propter fortitudinem caloris formantis & maturantis. Albertus Magnus Comment. ad lib. 2. Physic. Aristot.

## FOETVS MONSTROSVS ET PRODI-

*gius totus.*

**M**Argareta Heckelin ciuis Passauiensis, anno Domini 1590. fœtum enixa est monstrosam & horrendum: capite felis, oculis in fronte triginta, pedibus sex, brachiis quatuor, digitorum manus loco vngulis vitulinis, pedibus omnibus digitatis, & vnguibus recuruis, præpilatis, forma profus cacodæmonis, cauda vitulina, corpore scabro & carnosio, voce qualis capræ, id est, vanelli vulgo dicti auis. Tetrum hoc animal simul atque in lucem prodiit, conclaue velocissimo cursu pererrauit: id mulieres aduocatis in subsidium vicinis, captum interfecerunt. Visumque fœdum & abominabile monstrum istud aliquot centum hominibus.

MON-



MONSTRVM IN AVDITVM ET HOR-  
ribile, quale vix atas vlla vidit, informe & immane.



**R** Auennæ natum est monstrum, cornu in capite, alas habebat, brachia nulla, pedem vnum, vt auis rapax, oculum in genu, sexum vtrumq;, in medio pectore Ypsilon, & crucis effigiem. Aliqui interpretati sunt cornua superbiam, alas leuitatem & mentis inconstantiam, carentiam brachiorum, defectum bonorum operum, pedem rapacem, rapinam, vsurâ, & omnimodam auaritiam, oculum in genu solum, ad res terrenas mentis defectionem, vtrumque sexum, sodomiam: & propter hæc vitia Italiam sic bellicis contritionibus quati, regem autem Franciæ non sua virtute id facere, sed solum esse DEI flagellum. Ypsilon vero & X. signa esse salutis, nam Y figura est virtutis. Ideo si ad virtutem recurrant, & ad Christi crucē, ab his pressuris & tribulationibus respirationem & pacem conuassationibus desiderabiliorem sint habituri.

Hæc.



pite enim corona sacerdotalis exstabat, & cucullus monasticus de humeris dependebat. Pedibus, manibusque, ventre etiam representabat suam, vitulinis vngulis. Id monstrum Dux Henricus Friburgi, in memoriam sempiternam, furno exsiccari curauit, vt eius monstrifici partus in multos annos prostaret testimonium & sceleton.

M O N S T R V M H V M A N V M , I N F O R M E ,  
horrendum, & omnibus modis prodigiosum.

67.


**C**Racouiz natus est infans ex honestis & nobilibus parentibus, teter admodum & horribilis aspectu, flammeis & radiantibus oculis, ore naribusque bouinis, cornu figura exortis & prominentibus, dorso pilis caninis hispido, simiarum faciebus in pectore extantibus, qua mammara locus, oculis felium subtus vmbilicum hypogastrio adfixis, tetrīs ac minacibus canum capitibus ad vtrumque cubitum & pedis vtriusque patellā antorsum spectantibus. *Σεγάρωρος* & *Σεγάρωξις*, figura pedū cygni, cauda sursum reflexa, & recurua, longitudine vnā dimidiā editus in lucem quatuor horas vixisse, & tandem his emissis vocibus: *Vigilate, Dominus Deus vester aduentat, expirasse dicitur.* Hoc monstrum describit Casparus Peucerus de Teratoscop. & Munsterus in Cosmographicis: elegantissimo autem canine Casparus Bruschius. Idem Lycosth. de prodig. & ostensis anno. 1543.

### H I S T O R I A

**L**ithopædion, admirationem omnem superans, quæ fœtus exacte conformatus, & viginti octo annis in vtero gestatus, in marmoream duritiem conuersus: atque à matris obitu per sectionem exemptus, vel hodie quoque nullius putredinis aut teredinis notam præbens, conspicitur.

- A. Figura & situs infantis in vtero.
- B. Infans extractus cum parte vteri & tunicarum.
- C. Corpuseulam, in quam dimensionem potuimus extensum.

H V M A



**M**Vlier Senonensis, nomine Columba Chatry, quæ Ludouico Carita homuncioni (quadrato tamen & bene habito) ex vulgari plebe & factori vestiario nupserat, ab annis quadraginta octo, fracta ætate & valetudine, hic occubuit decimo sexto Mensis Maii, annum ætatis agens sexagesimum octauum.

Hæc ante annos viginti octo, quæ nunquam antea vterum gestarat, licet iam pridem nupisset (nihil de sanitate prius admodum cõquesta) certissima habuit incoati hominis indicia. Nam qui statim periodis erumpere solent menses, illi statim substiterunt Pica primis mensibus laborauit, & pestilium embryonis motum & frequentem persensit, tumore lumborû & abdominis paulatim succrescente, mammissque lacte turgentibus. Tandem autê decurso pene gestationis curriculo, labores puerperii graues, & abdominis dolores experiri incæpit, vrina ad aliquot dies suppressa (Medicis tunc varia & dubia de illa *αποφροσις* sentientibus) quæ postea curren-  
ti veluti alueo & magna vi eripuit, profuso illo ichore, non tamen ex vesicæ meatu, vt credibile est, scaturiente, quæ ex mulieris loculis, Amnio tunica disrupta, cum vna cum istis serosis recrementis (quas mulierculæ aquas vocant) aliquis concreti sanguinis trumbus emerferit. Inde autem & mammæ concidere visæ sunt, motus infantis aut ignauus, aut nullus, labores mulieris tollerabiliore. Quibus omnibus attonitæ fuerunt obstetrices, quæ antea certissimum puerperium expectassent.

A ludibrio autem istius feturæ, totum triennium lectulo illa decubuit, ad extremam vitæ calcem de valetudine conquesta, de tumore, de durtie, de torminibusalui (quam obtuiss quibusque & chirurgis & medicis tractandam exhibebat) de inutili & graui illo pondere, quod pro vario gestantis motu, modo in hanc, modo in illam partem procumbebat. Denique de languente & deprauata appetentiâ, quam subinde acetariis, & absorpto omphacio sollicitabat, alioqui perpetuo *ασιτος*. Illaque ferunt vicinæ inter suos sales sæpe dicitasse (vt erat genio satis lepido) se fœtum vtero gerere, qui tandem parenti foret exitio & intereccioni, quanquam cum serio loqueretur maleficium acceptum potius accusaret.

Postquam autem fato esset functa, eius vir officiosus in vxoris manes, (quam tamdiu, & tantopere excruciatam videra) accersiu it vnum atque alterum ex nostris chirurgis, ambo valentes arte & artis vsu, quibus (licet de scirrhuso tantum tumore cogitarent) dissecto mulieris abdomine, & reiecto infra peritonæo, vterus sese offert, aspectu quidem rugosus, & ver-

ficolor, vt crista illa pendula, quæ Gallis Indicis ex summo capite prolabitur, vel potius, vt operimentum illud cutaneum, quod illorum collum ambit. Tactu autem durus, testaceus, & instar τῶν ἀσπιδόδερμων Tum nouaculam in portentosam illam molem & gypseam iniiciunt, qua ad aciem cultelli renitente, scalprum altius adigunt. Eorum autem alter inficte easu in cranium vulnere, & in aliquot costas, tandem humerum dextrum impetit, à quo erumpens ossis caput, certissimam fidem fecit ossium illic latitantium. Ex quo scalpellum alio transferunt, & magna vi, sensim tamen & recta vterum secant, diductisque durissimis vulneris labris, infantem in orbem implicitum, & ex transuerso in vtero positum introspiciunt, in penitissimo sinu, & altissimis latebris stabulantem, in suamque veluti Cystin, quam allantoidem tunicam fuisse puto, callosissimam reconditum.

Quo spectaculo inexpectato obstupefacti, medicos conuocant, quos in te inaudita consulant, adhibeantque in testimonium, & iudicium rei huius, quæ pene fidem omnem superet. Interea multis ad nouum prodigium accurrentibus, & opus Chirurgorum interturbantibus, venit ipsis in mentem, totam istam molem ex illo veluti antro, & manibus & vncis chirurgicis, qua valerent, vi abstrahere, vt arborem ex suo caudicè, domumque comportare, vt priuatim, & apud se accuratius corpusculi anatomem sectarentur, & cum peritis de portento nouo & inaudito consilia conferrent.

In præcipiti autem, & violenta illa laniena non licuit opus festinantibus introspicere, quod substratum esset infantulo Chorion, quæ vteri acetabula, qualia Umbilici vasa, quis esset Allantoidis cum vtero & cum fœtu nexus, cum vterus ipse, præcipue ad coxam dextram, ad nates & ad partem spinæ dorsi cum cute infantuli omnino coaluisset.

Situs infantis erat pæne sphaericus facie ad thoracem affixa, sublatis ad nates genibus, vnde postea ea patulæ retusæ & resimæ conspectæ sunt. Ossa capitis tenuia quidem, sed firma & instar cornu nitentia, cute capitis multis in locis pilosa, caput in sinistrum brachium ita procumbebat, vt à protuberante humero auris & os occipitis impellerentur, quod incautum ea parte introcessisse conspicerentur. Cubitus ad summum humerum reflectebatur porrecta sola manu, quæ in pugnum adeo firmiter contracta, & summi digiti ita palmæ hærebant, vt licet apparerent serratim inter se distincti, re ipsa tamen in vnum idemque vere lapideum corpus con-

creuissent. Dextrum autem brachium ad umbilicum manum extendebat, quæ ad Carpum inaduertenter abstracta fuit, & in alio matris relicta. Femur, genu, tibia sinistra, dextris incumbabant: quibus tamen erant ita implicata, ut talus sinister, pedisque planta in dextrum pedion implantarentur, quibus excauatum cederet, & pæne indissolubili nexu colligarentur. Vtrumque crus in ventrem & pectus reflectebatur, certissimamque feminei sexus notulam tegebat, tibia vtraque ad nates intorquebatur, pedibus, & pedum digitis ita inter se compactis & lapidifacis, ut factò ex oculis & tactu iudicio, totum istud opus dixisses esse alicuius Phidiæ, qui vel ex ebore, vel ex marmore maturæ ætatis Embryi absolutissimam Iconem expressisset, maxime cum in ea duricie corpusculi moles non concidisset, imo cum cute nitida integram suam, & *συμμετρίας* & *σαλυσαρκίαν* retinisset.

Partes autem internæ, viscera nempe omnia, cor & cerebrum habebant naturaliter, eo dempto, quod ultra modum induruerant, minus tamen quam externæ, ita ut hodie quoque exsertum istud corpusculum, neque putredinem minetur, neque teredinem. Ex quo postea dentem exemit opinanter quidam obuius, qui prodigium contrectabat, ut dentis sedem in ipso alucario adhuc conspiciere liceat.

Ioannes Albofius.

HUMANIS.  
MONSTROSA LIENIS CONFORMATIO  
*in Milite Gallo adiuventa a appendicis loco annexa.*

93

69.


69



Icon



DE MONSTRIS  
 I C O N  
 MONSTROSÆ GIGANTEÆ STATVRÆ  
 Antonii Franckenpoint Geldri.




**A**Ntonius Fräckenpoint Geldrus origine, annū agēs nonū supra tri-  
 gesimum, statura gigantæa visus est: cuius longitudo Lineam sede-  
 cies repetitam (eam quam imagini subiecimus) exæquabat. Familiariter  
 autem cum alibi, tum circa Argentinam urbem, conuixit. Schenckius Fi-  
 lius.

F I N I S.


D E

DE  
MONSTRIS BRV-  
TORVM OBSERVA-  
TIONES MEMORA-  
BILES.





71.



**I**N agro Constantiensi mulier humano capite Leonem peperit. Conradus Lycosthenes Chronologicus opere suo de prodigiis & ostentis.

*E Q V V S M O N S T R O S V S , C A -  
p i t e h u m a n o .*

72.

**B**Estiam quandoque vidi ex equa progenitam, humano capite, humanam vocem edentem, ad reliqua tamen equum. Pictorius ferm. conuiuial. lib. 4. p. 8. 5.

*N 2 E Q V V S*

## EQVVS HVMANA FACIE.

**C**Um ad montem Altinum collatis Florentinorum & Pisanorum signis decertatum est, monstrum in agro Veronensi æditum, ex Equa quadrupedem fœtum humano capite. Ad cuius murmur, vagitum & cõfufum humanæ vocis sonitum occurrens ruris illius accola, & nouo attonitus spectaculo exæcto ingenti gladio monstrum occidit; quam ob causam ad iudicium tractus & de monstruosi partus origine & de occidendi causis interrogatus horrore atque abominatione rei tantum se fecisse respondit, quò audito suspicionem omnem ademerunt. Lycopthen. pag. 438. de Prodig. & Ostentis.

EQVA PVLLVM PEPERIT  
*humana facie.*

**A**Nno Domini 1254. Veronæ equa pullum peperit, cætera quidem equum, sed humana plane facie Paulo post bellum inter Turcos & Pisanos exarsit, quo vniuersa fere Italia conflagrauit. A. Pareº, operum suorum. lib. 24. p. 732.

EQVVS POSTERIORI PARTE  
*cervus.*

**I**N Gallia equa à ceruo subacta, pullum peperit, posteriori parte Cervæ similem, quem nullus alius Equus cursu æquare potuit, ipsumque Ludou. Rex à possessore dono accepit. I. Rueffius lib. 5. c. 3. de concept.

## EQVVS HERMAPHRODITVS.

**E**Quum vidi androgynum Antuerpiæ & canem, qui intus testiculos habebat, ad venerem. n. promptus erat, nec tñ testiculos habebat, qui tangi possent. Ambo autem erant amicorum. Sed equi præstat formam describere: is erat Princivalli Vicecomitis, vnum habebat tantum testem loco proprio, cum mammis tumidis, vt equæ habent. Inde vuluam proprio loco: & ex vulua penis emittebatur. Hinniebat ad equas, & forma masculina erat, promptus & erectus capite, crassiore autem corpore, colore gryseo (vt vocant) caput magnum, penis. n. maior palmo cum illum exeret. Emptus aureis 36. certum erat cum auerso esset pene, illum coire non posse. Card. l. 7. c. 37. de Variet.


EQVVS

EQVVS ANTERIORIBVS PEDI-  
bus similibus humanis digitis.

**C** Julius Cæsar cum Lusitaniæ præesset, equus insignis filis vnguibus anteriorum pedum, & propemodum digitorum humanorum, natus est feròx admodum atque elatus. Quem natum apud se, cum aruspices imperium orbis terræ significare domino pronunciaissent, magna cura aluit. Nec patientem seffloris alterius, primus ascendit. Cuius etiam signû pro æde Veneris genitricis postea dedicauit, &c. Lycosth.

EQVVS QVINQVE PEDI-  
bus natus.

73.



**B** Ernæ Heluetiorum equuleus quinque pedibus visus, & apud nos Basileæ Rauracorum bos, à quodam circulatore quinq; pedibus circumductus est. Chronic. Lycosth. 1551. anno dom.

M. Amylio & C. Hofilio Mancino Coss. Exquiliis equuleus cum quinque pedibus natus. Obsequens.

PVLLVS EQVINIS PEDIBVS, CÆTE-  
*ra vaccinus.*

**I**N Heluetiis equa à tauro subacta, exacto tempore, pullum peperit, equinis tantum pedibus, forma vero, crinibus & cauda vaccæ similem. Rueffius l. 5. cap. 3. de concept.

EQVI TOTO CORPORE MULTIFA-  
*riam monstrosi, descriptio.*

**I**N villa Pomeraniæ Rekouu vicina Rugio, ad ostium Viadri, equi pulcherrimus natus est capite horrendo, in cuius loco oculorum macula erant subrufæ, aures pendulæ, quales sunt canum sagacium: infimis auriculis cuti accretis. Os quoque erat monstrosum, labris inflexis, quemadmodum duæ tudiculæ compositæ, ut lactari non posset. Collum erat tortum, & sinuosum distinctis coloribus, tamquam catenis variarum. Iuba erat impexa, plena plegmatibus. Quando hinniebat, putabatur hinnire ingens caballus, ac si qui forte ex nobilibus accederent, toto corpore mouebatur, terramque pulsabat, tanquam in rabiem versus, & quasi impetum in ipsos facturus.

Erectus stabat, hinnitu terribilis. Ciues & colonos ferre poterat, quibus accessum liberum permittebat. Cutis erat asperior, vestis villosa. Loco caudæ alta crista erigebatur, et mortuo pullo. Pes imus anterior, unus erat humanus, alter nullus erat, sed tantum tibia manca. Pedes posteriores erant equini. Triduum vivebat, deinde extinctus in triuio sepeliebatur. I. Fincelius. Accidit hoc anno Domini 1554.

EQVVS EX TAVRI CVM EQVA  
*congressu natus.*

**G**esnerus à fidedignis audiuit, visum equum ad radicem montis Spelungi in Rhetia, ex equa & tauro generatum. Porta M. N. l. c. 9.

EX BOVE EQVVS NATVS.

Ad Sinuessam bos equuleum peperit. Liuius decad. 3. l. 3.

QVA

## QVADRICORNIS CERVVS.

**C**ervum quadricornem Nicocreon Cyprius habuit, citante B. Porta magn. nat. l. 2. c. 17.

## BOS BICEPS.

**I**n eo bello, quod Romani contra Persas gesserunt, plurima prodigia, Rom. futuras clades portendentia tum visa sunt: bos & recens natus, in initio belli conspectus est, ex cuius ceruice duo capita eminebant. Lycost. an. Dom. 573.

BOS QVINQUE PEDIBVS  
*monstruosus.*

74.

**A**it Conradus Lycosthenes, opere suo de prodig. & ostent. circumductum esse bouem à Circulatore quodam, quinque pedibus, quorum quintus pes supra posteriores è latere dependebat.

## BOS SERPENTEM ENIXA.


**M**onstrum hoc anno plura diuersis in locis natura edidit, In agro senogalienti, in Piceno, bos quendam serpentem peperit miræ magnitudinis; capite erat grossiori, quam sit vituli, collo longo ad mensuram vlnæ, corpore cani similis terete & longiore.

Hunc editum cum bos conuersa respexisset, magnoque mugitu edito exterrita, an fugere vellet, erectus serpens subito posterioribus cruribus cauda circumdatis ad vbera os admouit, tam diu fugens, quoad lac inerat vberibus. Deinde boue relicto ad sylvas vicinas aufugit: vbera postmodum, & ea crurium pars, quam serpens cauda tetigerat, veluti adusta nigraque diutius permanserunt. Hoc pastores (nam in armento bos erat) se vidisse affirmarunt, bouemque vitulum postea peperisse, Idque ex literis Ferratiam nunciatum. Poggius.



MONSTRVM A VACCA PRONA-  
rum, humana facie, barba humana, & humano pe-  
ctore.

75.



Vicesimo quarto Iulii deforme monstrum vacca enixa est, in pago Cleisdorff, distante tria miliaria à Pabenberga, quod Fincelius quoque descripsit, pedes habuit quatuor vitulinos, caput humanum virile, a- tra barba, geminis auribus humanis, & modicis capillis, pectus item hu- manum & mammosum. Lycopth. opere suo Chronologico.

VACCA DVOS HV M. FOETVS  
enixa.

A Nno 1597. in Burgies, Hispaniæ loco, Vacca, marem & fœminam hu- manos fœtus, suis membris apposite formatos & distinctos, enixa pro- ditur,

ditur, vti aliquoties ad nos Venetiis perscriptum est. Quæ res omnibus & stupori & metui erat maximo. Eos ad sacri fontis characterem nullo modo admittere voluit eius loci Archiepiscopus. Iaco. Francus relat. historic. anno 1597.

## VITVLVS BICEPS, OCVLIS

*quatuor.*

76.

**D**Um Comitia Imperialia Augustæ Vindelicorum, à Serenissima Romanorum Regia Maiestate Ferdinando celebrantur, septem miliaribus ab Augusta vrbe nascitur vitulus, Maii vigesimo primo die, in pago quodam Leder nomine, habens duas facies, oculos quatuor, duos quidem in fronte anteriori, in lateribus vero alteros, per omnia alioquin in membris quidem singulis vero vitulo persimilis, qui insuper quamprimum in lucem editus est, animam aëturum efflauit. Marcus Fryschius in Meteorologicis.

## VACCÆ VNICO CORNV.

**L**Vd. Bertheme C. 2. L. 4. Navig. suar. in Insula Zeilam vaccas asserit se vidisse vno tantum cornu præditas. Dalechamp. annot. ad c. 50. lib. II. Plinii.

## VACCA ANO IMPERFORATO.

**V**Accam fuisse Perinthis, cui cibi excrementum attenuatum per vesicam transmittebatur, scribit Arist. dissectusque anus denuo propere coalescebat, inquit, nec refecando euincere vitium poterant. Gesn. episto. ad Cos. Holtzachium, Lib. Epist. 4 pag. 86. facie auersa.

## VITVLVS DVOBVS CAPITIBVS

*monstruosus.*

**I**N Agro Paduano, mense Iunii, constat natum esse vitulum duobus capitibus, vnico corpore, posterioribus, anterioribusque cruribus duplicatis, ita tamen vt essent coniuncta. Hoc monstrum quidam ad quæstum circumferebant, multique id vidisse affirmabant. Poggius.

O



Wila

Wibe in Turgaria oppido vitulus biceps procreatus est, & eiusdem oppidi portis per dies plures, spectaculi gratia, affixus est. Lycofth. anno domini 1433.

Vitulus biceps nascitur mense Decembri anno 1557. in Schinna pago, quem longum nominant, proxime Fribergum. Chronic. Lycofth.

MONSTROSUS BICEPS VITULUS.

77.



Anno Dom. 1541. in Sardinia insula, ea ipsa nocte, qua Carolus Quintus Romanorum Imperator in Mauritaniam soluturus venerat, vitulus duobus capitibus in oppido Lagara natus est. Idem opere saepius citato.

Anno post Christum natum millesimo, quadragentesimo, nonagesimo nono, vitulus prodigiosus duobus capitibus, ante, & post, Cracoviae natus. Idem.

VITV-

VITVLI BICIPITIS DE-  
*scriptio.*

**A**Nno Domini 1540. Mediolani vitulus biceps natus est, habebat autem capita perfecta duo, vnum quodque habuit suam linguam, ac dentes, nares, oculos, aures, sed iuncta erant capita in occipitio, quorum vnum masculi rotundum, alterum foeminae oblongum, speciem diuersi sexus praeferebant. Animal, virula erat exenteratum, ac matre excisum: occisa quod diutius partum traheret, qua vteruari possit Superuixit, vt referebant, foetus dimidio horae, & erat in caupona Cancræ. Translatum est eo anno regnum ad Caf. Filium, qui vxorem habet, multisque incommodis à Gallis acceptis, quia Vitulus laborem significet, & sexus, multorum Ducum infelicitatem, & fugam, atque amissas absque expugnatione Vrbes & arces, prouinciamque absque praelio. Cardanus de Variet. libr. 14. cap. 75.

PRODIGIOSVS VITVLVS, DVO-  
*bus corporibus, capitibus, caudis, sed tribus tantum O-*  
*culis.*

78.

**B**onnæ inferioris Germaniæ, haud ignobilis, atque ad Rhenum quatuor miliaribus à Colonia Agrippina siti oppidi, decimo septimo Calend. Iunii biceps vitulus, duobus scilicet corporibus, capitibus, caudis sed tribus tantum oculis natus est. Lycosth. sub anno 1552.

VITVLVS BICORPOR NATVS.

**D**ecemb. 11. ann. 1572. prope Amsterodamum natus est in villa quadam Vitulus biceps, gemino dorso, & octo pedibus, nec diu superuixit. L. Surlus Commens. rerum in orbe. gest.

VITVLVS PURPUREA CORONA  
*in latere natus.*


**D**E Vitulo in ea villa, in qua Aurelianus Imp. natus est patre paupere, candore eximio, sed in latere purpureis maculis depicta corona cedito, vide Sabell. l. c. 4.

DE MONSTRIS  
VITVLVS CIRCA COLLVM ET AN-  
teriores pedes collari insignitus.

**I**N Marchia veteri, paucis ab hinc annis, vitulus in lucem prolatus, circa colli regionem, nec non anteriores pedes collari insignitus. Andr. Angelus lib. de monstris. c. II. lib. 2.

VITVLVS PRIORIBVS DVOBVS  
*pedibus destitutus.*

79.



**A**Nno 1556. prid non. Ian. in Germaniæ pago quodam Episcopatus Di-  
Alingensis, quem patria lingua Oberhauufen vocant, Vitulus ex vacca,  
duobus tantum posterioribus pedibus natus est, tanræ tamen velocitatis,  
vt corpore erecto currens, vitulos omnes facile superaret. Lycosth.

VITV.

VITVLVS SEXTIPES, CUI E  
latere massa carnis dependebat.

80.

**I**N Thuringiæ vico vitulus natus est sextipes, massam carnis è latere dependentem gestans. An. Domini millesimo quingentesimo quinquagesimo primo. Lycosth. Idem.

VITVLVS SEPTEM PEDIBVS,  
duobus capitibus caninis.

81.



**A**Nno Domini 1269. Calissa intra octauum diem natalis Christi natus est vitulus cum duobus caninis capitibus atque dentibus, septem pedibus vitulinis, minus vero ad caudam situm erat.

Ab eius cadauere canes atque volucres abhorruere. Lycosth.

O 3

M O N.

DE MONSTRIS  
MONSTRVM VITVLI ADMI-  
randum.

**A**Nno Domini 1556.3. Martii in oppido Bergerdoff, monstrum natura est, aliqua ratione Vitulum referens. Sextipes erat, gemino capite, vno podice, disiuncta autem erant corpora in longitudine, quorum vnus Orientem, aliud vero Occidentem spectare videbatur. Tres pedes huic, tres alteri inhærebant. Lycosth. de prodig. & ost.

ALIA PRODIGIOSA VITVLI  
conformatio.

**A**D oppidum Bitterfeld Vitulus in agro repertus, oculis, naribus & auribus humanis, vertice tōso, & miniato, rictu & pectore vitulino, cruribus anterioribus vitulinis, posterioribus humanis & breuibus admodum, sed vtrisque desinentibus partim in ungulas vitulinas, partim in humanos digitos, qui ungulis suberant & separatim propendebant. Casparus Peucerus.

VITVLO MONACHVS.



82.

**V**itulomonachus monstrum terribile, natum Walterfodori vno à Fribergo lapide, pago ditionis Cellensis, villa rustici, cognomento Stecheri, Lycosth. an. Virginis 1523.

HISTORIA MEMORABILIS  
Vituli cum alterius Sceleto exclusi.

82.

83



**V**Acca partus difficultate impedita, cum foetum conceptum parere minime posset, nihil grauius passa, post tem. us aliquod rursus concepit, & exacto tempore Vitulum viuum & sceleton prioris Vituli, edidit. Mirum sane potuisse eiusmodi corruptionem vaccam perferre, & rursus ossibus prioris Vituli retentis, concipere nihilominus. Hæc ossa vidi apud Generosam Dominam de Rappoltzstein in cuius oppido hæc acciderunt. Hanc historiam à CL. V. Felice Platero mihi communicatâ subiicere placuit. Bauhinus in append. ad Rouffetum.

A S I N V S T R I B V S P E D I B V S.

Anno mundi 3794. Calatiæ asinus tripes natus. Lycost. Chron.

M V.



**N**Os Ferratiæ vidimus aliquos forma muli, capite vitulino, quibus cornuum loco duo inerant tubercula, indefessæ & indomitæ ferociæ, coloris nigri, oculis taurinis, eo spectaculo mirum in modum delectabamur. Audiuimus in aliquibus Galliæ partibus vulgares esse, etsi per Galliam pertransiens non viderim. Porta M.N.I.I.c.9.

## MVLVS TRIPES.

**A**Nno mundi 3784. Mulus tripes Reate natus. Lycoth. Chron. Idem an.M.3804. ibid. factum.

L. Emilio Paulo, Gn. Bebio Tamphilo Coss. Mulus tripes Reate natus. I. Obsequens de prodi.

## LVPVS CANEM PEPERIT.


**R**Omæ è lupo canem generatum vidi. I.B. Porta magn. naturalis libr. 1. cap. 6.

CAPRA

BRVTORVM.  
CAPRA GERENS CORNV VNVVM  
*ex latere.*

113

84.



**I**N Germania à circulatorè quodam lucrigratia, capra circumducta est tria habens cornua, quorum duo suo quidem loco erant, tertium vero ex latere aut ventre potius eminebat. Chronic. Lycosthen. anno Domini 1555.

*SVS CAPITE, FACIE, ANTERIORIBUS PEDIBUS, & OMOPLATIS HOMINEM REFERENS.*

**A**Nn. Domini 1564. Bruxellæ in ædibus Ioeft Dictzpeert, vico War-moesbroectz sus sex peperit nefrendes, quorum primus monstrum erat, capite, facie, anterioribusque pedibus, & omoplatis hominem referens.

P

rens,

rens, reliquo toto corpore nefrendem: nam & genitalia foeminae suis habebat, caeterorum more suilla vera fugebat. Sed secundo sui ortus die a plebe monstri diritate incitata cum matre confossus est. Pareus operum suor. lib. 24.

PORCVS HVMANO CAPITE

*in Cypro natus.*

85.

**D**ie 12. mensis Decembris, anno supra millesimum quingentesimo sexagesimo octavo, allatum & oppositum fuit monstrum tale, quale figura ostendit. Erat namque totum corpus veri porci, nudum & sine pilis: caput effigiem humanam habebat: a fronte crista quaedam illi dependebat, uti galli Indici habent, quae crista illi partem oculorum & nasum tangebatur: aures hominis habebat. Hoc monstrum ibi prope Nicosiam inuentum fuit, natum ex porca cum quatuor aliis porcellis, qui omnino similes erant matri. Ex charta Venetiis excusa cum monstri huius Icone gallica lingua publicata anno 1569.

PORCAE FOETVS HVMANA

*facie insignis.*

**P**orca enixa foetum humana facie insignem. Vide Poly. Virgillii Anglicae hist. lib. 11.

Circa finem Henrici tertii Romanorum Imperatoris porca enixa est porcellum humano capite. Lycost. an. Dom. 1055.

Sus foeta porcellum humana facie enixa est. Idem An. 110.

Item porca enixa foetum humana facie edidit. Anno 1011. Idem.

Anno quo Philippus Rex Francorum, & Anselmus Cantuariensis Archiepiscopus obierunt, in Parochia Legienfi porca enixa est porcellum faciem hominis habentem. Lycosth.

PORCVS SEX PEDIBVS ANSERINIS

*similibus.*


**I**N pago Sugenheim Argentinensis Episcopatus ann. d. 1496. porcus sex pedibus anserinis fere similibus natus est. Lycosth. prodig.

P O R C

Scimus etiam natum Porcosacerdotem tertio decimo anno post, Halli in Saxonia, ipso die Paschatis. Lycosth. in suis Chron.

PORCI MONSTROSI HISTORIA.

86.



Anno dom. 1496. In Suntgoia fertilissima Germaniæ Prouincia, in pago Lâser, porcus vno capite, quatuor auribus, duobus oculis ac liuguis, octo pedibus, corpore à capite ad vmbilicam vsque conuncto, ad posteriores partes vero separato natus est Lycosth. de prodig.

NEFRENDIS MONSTROSI  
*exemplum.*

Anno domini 1572. postera à Paschatis die Metis in Lotharingia, in hospitio, cui S. Spiritus imago pro insigni est, sus nefrendem peperit

P 2

octo-

ocionis cruribus, quaternis auribus, & capite canino proditum. Posteriora corporum à ventre deorsum tanquam gemellorum distincta erant, anteriora sursum vnita, duas in ore linguas habebat cum dentibus quaternis in superioris maxillæ totidemque in inferioribus lateribus. Haud satis expressa erat sexus distinctio, ita vt masne an scæmina id môstrum esset, dignoscere nemo posset. Vnica enim sub cauda rima; singula quæque corporum posteriora fissa & aperta erant, eius vt hic appicta est monstri effigiem misit ad me Borgefius Med. Metensis clarissimus. A. Pareus operum fuor. lib. 24. c. 2. p. 741. vbi loci consule Eiconem.

ARIETI PRÆCORDIA ET INTESTINA  
geminata.

**R**eferentem, nō semel audiui Andr. Mattheum summa fide, summaque; auctoritate virum, allatum sibi à Coco suo, in oppido suo Bitonto agenti, Arietem exenteratū, cui & præcordia & intestina omnia essent geminata, cor vero vnum inesset tātum. Io. Iov. Pontanus de reb. cœlestibus lib. 10. c. 6. p. 293.

Pontanus testem citat, qui affirmarit, allatum sibi arietem exenteratum, qui præcordia, & intestina geminata habuerit, cor vnicum. Peucerus Teratosc. p. 440. fac. versa.

AGNVS CAPITÈ MONSTROSVS.

87.

**A**nno domini 1555. Halberstadii 18. Febr. accidit, vt agnus natus esset, Aprorsus rotundo capite, tribus oculis, trigemino ore, gemino naso, auribus in tergo pendulis instar caninarum; sed quod maxime prodigii loco habendum est, in tertio ore magnum oculum habuit, maiorem aliis, ibiq; linguam prolixam exeruit: vixit vnum diem continuo clamore. I. Fincellius de miraculis nostri temporis.

AGNVS SVILLO CAPITÈ.

**F**Rusinonæ (anno m. 3766.) agnus cum suillo cap. natus. Liius dec. 4. lib. 1.

AGNVS BICEPS.

**A**nno Mundi 3768. Sueffæ agnus cum duobus capitibus natus. Lycosth. Chronic.

Anno

Anno m. 3870. Agnus biceps natus. Idem.

AGNVS BICEPS, QVINQVE  
*pedibus.*

**A** Nno mundi 3769. Asculo agnus biceps cum quinque pedibus natus.  
Lycost. ex Liviō.

AGNVS TRICEPS.

**A** Nno dom. 1577. in pago Blandio tribus à Meloduna miliaribus natus  
est agnus triceps, medium caput reliquis crassius erat. Balante vno reliqua pariter balabant capita. Id monstrum sibi visum affirmavit Ioa. Bellangerius Chirurgus Melodunensis, sculpendumque, & cum monstro humano, quod capite ranaali ante descripsimus excudendum curavit. Pareus op. suor. lib. 24. p. 753. & 754.

DVO AGNI EQVINIS PEDI-  
*bus, alter simia capite.*

**C** Mario & Q. Luctatio Coss. (Anno mundi 3861.) In Lucanis duo agni equinis pedibus nati, alter siminino capite. Obsequens.

AGNVS MONSTROSVS.


**A** Nno domini 1573. in Sezana vrbis suburbio, loco qui dicitur Campus Benedictus, in ædibus Io. Poleti, salis menforis, natus est agnus, editus in lucem mox interiit, nec vitæ nisi exiguo motu signa vlla dedit, sub auribus osculum ipsi visebatur, Lampetræ osculo simile. Pareus li. 24. operum suor. apud quem Eiconem consule.

OVIS LEONEM PARIENS.

**L** Vdov. Celleius scribit se legisse in probato quodam auctore, Oue aliquando natum Leonem, disparis planæ & inimicæ conditionis ac naturæ animal. Pareus oper. suor. l. 24. p. 753.

LEPVS QVATVOR AVRIBVS,  
cuius dorso alii quatuor leporini pedes emi-  
nebant.

88.



**A** Nno Domini 1533. Episcopizellæ Turgaviæ apud Heluetios oppidi,  
Adum exenteraretur lepus iam gravidus, inuentus est lepusculus vno  
capite ac corpore, sed quatuor auribus, & octo pedibus, quorum quatuor  
suo loco erant, sed reliqui quatuor in dorso eminentes, alium quasi lepo-  
rem referebant. Visus est à multis ibi, ac deinde Tigurum miraculi loco ad  
amicos missus est. Lycosth. Chron.

VVLPE S HVMANIS PEDIBVS.

**A** Nimalia quorum pars anterior vulpem, cephos vocant, posterior  
vero simiam repræsentat, nisi quod pedes effingant humanos, aures  
autem

autem noctua, & intra consuetam aluum, aliam habent instar crumenæ, in qua catuli delitescunt, donec vltro prodire in lucem queant, & absque tutela parentis cibum capere, &c. De quibus Arist. Philoponus, Ælianus, Plinius, Solinus, Alb. M. Conradus Gessnerus, Lycosth.

## CANIS VNO TÁSTICVLO ET

*sine oculis natus.*

VIdi canem, qui cum vno tamen teste fuit genitus, ita & sine oculis. Trincauella de rat. curand. partic. corporis aff. lib. II. c. 25

## CATELLVS MONOCEPHALOS

*bicorpor.*

89.

ANno 1552. Mense. Februario in domo Ludouici Dheitzi felis domestica inter reliquos fœtus numerosos, enixa est catellum vnyum, monocephalon, bicorporem, octipedem, vtriusque sexus, corporibus inuicem complexis, & in vnum caput, vt dixi coeuntibus, sic vt sese mutuo osculantium speciem referrent, quod sane plerique salutis, copix, & concordix præsagium esse crediderunt. Lycosth. opere Chronolog.

CATI



DE MONSTRIS  
CATI TRES CIRCA VENTREM CON-  
nati editi sunt.

90.



**L**Ycoſthenes in opere ſuo Chronologico ſic habet: Catus Baſileæ mihi domeſticus, cum quatuor vno partu catulos edidiſſet, poſtquã poſt octiduum in profluentem proiicere mandaſſem, inuenit ancilla vnum ex his pedibus horrendis, ac quaſi in ſpiram variis reflexibus conuerſis. Poſt biennium autem tres catulos vno partu edidit circa ventrem, non vmbilici vinculo coniunctos, ſed reuera in matris ventre vnitos, quos tamen partus dolore enecatatos inuenimus. Fœcundiffimum fuit animal, ſæpenu-mero vno anno ter grauidum, nunc quinque, aliquando ſex parturiens, ſed poſtquam ætatis annum octauum attigiſſet, plerumque monſtra protulit, ac etiam interdum contra naturam matrum, editos catulos, ad currendum aptos, nobis videntibus deuorauit. Ob quam potiſſimum crudelitatem demum in Rheno à familia ſubmerſus eſt.


F E L I S

## FELIS TRIPES.

**L**ivius narrat natum Catum tribus pedibus, citante B. Porta mag. nat. l. 2. c. 17.

## ANSERIS MONSTROSI HISTORIA.

91.



**I**N pago quodam, qui ad Argentinenses spectat Episcopatum, cui Sugenheim nomen est, duobus ab Argentina milliaribus, anser monstruosæ plane formæ in ovo inuentus est, duobus capitibus, totidemq; linguis, collo vnico, quatuor pedibus, quorum duo eum locum occupabant, vbi in aliis alæ emergunt. Reliqui vero circa podicem (vbi duplex etiam ad eicienda naturæ excrementa exitus erat) apparebant, alæ vero duæ circa cololum expansæ. Lycost. an. dom. 1496.

2

ANSER

## ANSER BICEPS, BICORPOR.

*quaternis alis, &c.*

**V**idit Albertus Anserem bicorporem, duobus in dorso connexis corporibus, bicipitem, alis quaternis, ac totidem pedibus, quæ iuerit, in quamcunque partem conuertebatur. Citatur à M. Weinr. p. 58. de monstr. ortu.

## ANAS QVADRVPE S MON

*strosa.*

**A**Nas quadrupes visa est parua, lato rostro, tenui, & priore parte nigra, extrema flaua, capite nigro, oculis cinereis, nigro circulo collum ambiente, nigris alis, tergo & cauda, pedibus flauis, & inter se non procul distantibus, quæ Torgæ asseruatur. B. Porta magn. naturalis lib. 2. c. 17.

## ANAS VNO CRVRE CARENS.

**A**llatæ sunt anaticulæ, quarum vna, quæ crux alterum, nullis extantibus: A vestigiis certo nunquam videretur habuisse. &c. Scalig. libr. 7. de planis: Aristot.

## GALLOPAVVS.

**G**allopauum dico, siue indicam gallinam, qui videtur ex gallo & pavone compositus, etsi potius pavonis, quam gallinacei constet forma. Habet pavonis magnitudinem & corpus, gallinacei cristam & submentum, habet cum pavonibus communem vocem, caudæ explicationem, eorumque varietatem: carnis sapor ex utroque compositus, ob id non dissimilis admodum mistio vtriusque generis. Sed quum simul domi cicuratae essent, gallopavus scemina, & pavo masculus, nata sunt oua scemunda, ex quibus pulli omnium pulcherrimi exclusi sunt, pennas habentes nitidissimo colore fulgentes, qui cum pavonibus denuo se commiscentes, totus fere pavoninus fuit partus. B. Porta M.N.I. 2. c. 14.

## GALLINACEI GEMELLI, VNICO

*capite, corpore connati.*

**C**olmaria anno domini 1538. 18. Apr. in domo Thomæ Eberlini, gallina assidue excubandis ovibus intenta, producendisque laborans pullis inter

inter reliquos talem quoque monstrosam exclusit, vnico quidem capite sed quatuor pedibus, quatuor alis, corpore ex duobus conflato, qui circa pectus iungebantur, duplicique erant naturæ exitu. Auctor.

## PULLI GALLINÆ DVPLICES.

92.

Anno Domini 1551. In Gallia duplices ex Gallina pulli inuenti sunt, equatuor videlicet alis, totidemque pedibus, sed capite vnico. Chron. Lycosthen.

GALLINÆ PULLVS TERNIS  
pedibus.

Anno Domini 1554. Basileæ apud nos in Cincrum suburbio, apud fabricum ex gallina pullum ternis pedibus, ac miræ in currendo velocitatis, vidimus. Lycosth. Chron. eiusd. anni.

2 2

P V L.

DE MONSTRIS  
PULLVS GALLINÆ QVATVOR  
pedibus.

93.



**B**asileæ Rauracorum gallinæ pullum quatuor pedibus Conradus Ly-  
cofth. vidit.

GALLINÆ PEDIBVS ANSE-  
rinis.

94.

**A**vgustæ Rauracorum inter Basileam ac Reinfeldam oppida, gallinæ  
anserum pedibus inuentæ sunt. Lycofthe. opere suo Chronologico  
de prodigiis & ostentis.

E X

EX OVO VNICO MAS ET FOE-  
mina iunctis corporibus nata.

**P**Ræfecunda oua reperias. Nam ex vnico ouo & marem & fœminam, combinatis tamen corporibus, exclusos nuper vidimus: vbi tamen facilis comparet ratio. Quæ sunt duo vitelli in vnica testa, propter duorum spermatum aggregationem, sine alicuius parietis distinctione enati. Nam si pariete vel corio diuidantur, duo pulli, sed corporibus inuicem separatis emergunt. Pictorius serm. Conuiu. l. 4. p. 84.

AVIS QVADRICEPS.


**Æ**Lianus refert sub quodam Rege quadricipitem avem visam fuisse. Citante B. Porta magn. naturalis. l. 2. c. 17.

23

CO

DE MONSTRIS  
 COLUMBA QUADRIPEDES, ET DUPLICI  
 NATURA EXISTENS.

95.



IN Germania circa pagum Rikenschouen, non procul à Landauia ep-  
 ipido, capta est columba, non tantum quatuor pedes, sed duplicem etiã  
 naturæ ad eiicienda excrementa exitum habens, quæ Augustam (vbi tum  
 temporis Romani imperii comitia habebantur) missa, primum à Cæs. Ca-  
 rolo, & principibus imperii, ac postea à reliqua hominum multitudine,  
 miraculi loco conspecta est. Lycosth. lib. prodig. an. d. 1550.

GRVIS BICIPITIS HIST.

ÆLIanus ex Apione refert, Oenco in Meridie regnante, bicipitem  
 gruem apparuisse. Citante B. Porta mag. naturalis lib. 2. c. 17.

P E R.

## PERDIX VVLTVRE MAIOR.

**P**Orus Indorum Rex Augusto dona misit, vyperas &c. perdicem vultu-  
re maiorem. Strabo l. 15.

## BVFO CAVDATVS.

96.

**I**N villa quadam Thyringica, ad Vnstrum, à muliere bufo natus est cau-  
datus. Lycosth.

VIPERA BICEPS, TRISVL-  
calingua.

**V**isa est Neapoli, dum hæc scriberem, biceps vipera, & viua, quæ vtrū-  
que caput mouebat, & trifulcas linguas. Porta mag. naturalis libr. 2.  
cap. 17.

## SERPENS TRICEPS.

**A**Sferitur Montibus Pyxaneis (forte Pyrenæis, vt legit Gesn.) serpens  
interfectus fuisse triceps, in cuius ventre miles invenit filios suos vi-  
voratos, os spinæ cuius ostenditur in Areolio, grossitudinis capitis arietis,  
Arnoldus.

## SERPENTES IMMENSI.

**S**erpentes in immensam magnitudinem crescere testantur eventus, cū  
M. Attilius Regul. ad Bagradam fluvium, tormentis atq; balistis in Af-  
frica vnum longitudinis pedum 120. occiderit. Card. de subtil. l. 9. p. 633.

TESTUDO TRIUM CUBI-  
torum.

**P**Orus Indorum Rex Augusto dona misit, vyperas ingentes, serpentem  
10. cubitorum, testudinem trium cubitorum, &c. Strabo l. 15.

LACERTÆ CETACEÆ MAGNI-  
tudinis.

**I**Nterdum virides Lacerti in cetaceam magnit. excrecunt, qualem Lu-  
tetia advectum vidimus, Bodinus l. 3. p. 309. T. N.

LACERTÆ



DE MONSTRIS  
LACERTÆ BINIS ET TRI-  
nis caudis.

**V**idi multas lacertas binas ternasve caudas habentes, quas vulgus in-  
fuffiffime ludo fauorabiles dicit, nec alio modo natas possibile est ef-  
fe, nifi ex dilectis ouis. Porta magn. naturalis l. 2. c. 17.

CROCODILVS 20. CVBITOS  
longus.

**V**idimus ipfi Crocodilum 20. cubitorum. Bodinus pag. 394. Theatri  
nat.

MONSTRVM MARINVM.

**I**Nsuper constat allatum esse Ferrariam imaginem marini monstri nu-  
per in littore Dalmatico inuenti. Corpore erat humano vmbilicote-  
nus. Deinceps piscis ita, vt inferior pars, quæ in piscem definebat, effet bi-  
furcata: barba erat profufa duobus tanquam cornibus super auriculas e-  
minentibus, groffioribus mammis, ore lato, manibus tamen quatuor digi-  
tos habentibus, à manibus vsque ad aſcellam atque ad imum ventrem alæ  
pifcium protendebantur, quibus natabat, captum hoc pacto ferebant. E-  
rant complures fœminæ iuxta littus, lauantes lineos pannos, ad vnam ea-  
rum accedens piscis, vt aiunt cibi caufa mulierem manibus apprehendens  
ad fe trahere conatus est, illa reluctans, & erat aqua modica, magno cla-  
more auxilium cæterarum implorauit. Accurrentibus quæque numero  
monstrum (neque enim in aquam regredi poterat) fustibus ac lapidibus  
perimunt. Erat corporis magnitudo paulo longior ampliorq; forma ho-  
minis. Poggius.

CAPVT BALENÆ STVPENDÆ MAGNI-  
tudinis.

**A**Nno 1554. Genuæ caput balenæ extractum è mari stupendæ magni-  
tudinis, vt à faucium imo ad os decem nouem passus numeraretur.  
Card. l. 14. c. 74. de Variet.

CYPRINVS HERMAPHRODITVS.

**C**Yprinum captum hermaphroditum, cum notis vtriusque sexus ge-  
niture & ouorum Gefn. ſcribit. Citante M. Weinr. p. 59. de mōſtris.

MONA-

## MONACHOPISCIS.

**I**N mari Balthico non procul ab Haffnia, piscem humana facie, capite circumtonso instar coronæ Monachorum, corpore squamis cucullæ specie oblitis, captum an. 50. affirmant. Peuceus Teratofc. p. 439. facie auersa.

CASVS QVIDAM MON-  
STROSI, QVI CIRCA ANIMA-

LIA, EORVMQVE PARTES  
& membra contigere.

VNICVS REN IN BOVE IN-  
*uentus.*

**A**Nno sal. hum. 1562. vacca exenterata vnicum tantum renem in medio spinæ exacte situm, eundemque maximum habebat. B. Ronseus. Epist. 4. p. 13.

OVVM IN BOVIS VENTRI-  
*culo inueniri.*

**Q**Vædam sunt lapidibus similia, quæ in animalibus inueniuntur, nec tamen sunt lapides, vt ouum bovis. Hoc sane in ventriculo illius inuenitur, magnitudine anserini, ferrugineo colore, leuissimum ac lenissimum. Cogitur ex cibi excrementis, & motu rotunditatem acquirit, pituita cogente. Vnde si frangatur, ex pilis constare videtur: durus est pro leuitate tanta. Ita natura ludit, vt etiam quandoque boues oua pariant. Cardanus de subtilit. l. 7. p. 485.

VACCÆ PROCERÆ.

**I**N Epiro, Aristotelis æuo, Vaccæ natiuæ adeo erant proceræ, vt à stantibus mulgerentur, adeoque lactis amphoram replerent. Albertus in Phisica nulla cura, sed pinguium pascuorum causa ad equorum magnitudinē excrefcere scribit.

R

VE.

*Vacca.*

**I**N vacca parentis mei, quæ diu antequam mactabatur, in glacie gliscen-  
tibus pedibus, distentisque cruribus, in ventrem ceciderat, & ab eo tē-  
pore involuntarie minxerat, vesicam contractam fuisse, & calculo adna-  
to maximo, pugni magnitudine, denuo obliteratedam, inuenimus. Platerus  
de Obseruat. propriis.

## MVLÆ PEPERERVNT.

**L** Scipione & C. Lælio Coss. Mula Reate peperit. I. Obsequens de pro-  
dig.

C. Valerio & M. Herennio Coss. in Apulia mula peperit. Idem Obse-  
quens.

L. Paulo, & Gaius Marcello Coss. Mula pariens, discordiam civium, mu-  
tationem legum, turpes matronarum partus significauit, Idem.

M. Lepido, Munatio Planco Coss. Mula Romæ ad duodecim portas  
peperit. Idem.

Pro ostento habetur si mula parit, quod hoc anno, cū hæc scriberemus,  
Iulio Pontif. 2. in bello contra Ferrarienses & Gallor. Regē Ludouicū, mu-  
lam peperisse Ferrariæ dicunt. Alex. Bened. lib. 25. cap. 10. p. 467. practicæ.

LAPIS LITHARGILOS IN VEN-  
*triculo lupi.*

**Q**UOD in aliis bestiis fieri posse, lapis lithargilos in ventriculo lupi in-  
uentus & à me asseruatus vndecim vncias pendens, gyris & plicis in-  
tortus satis ostendit, ex argilla quam inedia tempore fame & rabie impul-  
si, vorant sine dubio genitus. Felix Platerus de Obseruat. prop.

VERVECVM CAVDÆ IM-  
*mensi ponderis.*

**I**O Leo vidisse se refert in Asroe Ægypti ciuitate, vnam (caudam) libra-  
rum 80. quasdam ad 150. creuisse referunt. Ad 15. aut 20. creuisse, vulga-  
re est. Ego vnam vidi librarum circiter trium, vt æstimatione assequi non  
experientia potui. & c. Cardan. de subtil. l. 10. p. 685.

## SVS 580. LIBRAS PENDENS.

**I**N nostra regione sues magis ouibus crescunt, quod sint calidiores, adeo  
vt vnus ad DLXXX. libras peruenit, dumque veheretur in curru cum  
aliis

aliis tribus, suffocatus est. Dum vero suspensus & adhuc calidus aperiretur, axungia profiluit, & lanionem in vultu aspergens, repente ob impetū prostravit in terram: vnde tum ictu, tum timore ægrotavit plus quam per duos menses. Cardanus de Variet. l. 7. c. 31.

CANIS A TESTVDINIS INTENTIONE MISERE EIULANS.

**I**N Clariss. Med. Laur. Scholzii cane non semel admirati sumus, misere gemente, & cum ululatu, quasi qui cruciatus sentiunt, & vapulant grauius, si quando in testudine nerui fidesque intenduntur tantum ad centum. At idem cum numerose sonant, non tacet tantum, sed gestit etiam quod eidem ad campanarum pulsus vehementiores accidit. Weinri- chius Comm. de monstris p. 65. fac. auersa.

CANIS MONSTROSA FOECUNDITAS.

**C**ANEM vidi, quæ simul vnde viginti catulos peperit, & alio partu octodecim, tertio tredecim: erat autem nigra, corpore magno, ex illorum genere, qui mastini dicuntur. Albertus.

LIGULÆ IN CANIBVS, PISCIBVS, CANCRIS.

**I**Ta canes longissimas quoque ligulas excernunt. In porcis quoque lanii frequenter depræhendunt. In piscibus sæpe inveniuntur. In cancris certo tempore obseruantur. In halecibus quoque ante annos aliquot passim inuentæ, ac si serpentibus scateret, cum magno mercatorum damno proscriptæ fuerunt. Felix Platerus de Obserua. propriis.

VESICVLAS AQUA TURGENTES, PLARISQ; OMNIBUS PARTIBUS AGNATAS IN SIMIA VISAS.

**S**imia quæ diffecabatur laborabat inflammatione splenis, vesicæ, fellis, Pulmonis, & aliarum quarundam partium, in quibus vesicas innumeras aqua plenas, reperimus, ex vero quæ in vesica fellis, erant flauiores. Res sane monstruosa. Casp. Wolphius de Observ. propriis.

MVRES IN VTERO PRÆ-  
gnantes.

**M**Vres prægnantes in vtero parentis repertas fuisse apud Senas auctor est Aristoteles. Mizuldus memorab. Cent. 9. numero 42.

LAPILLOS AB AVIBVS CON-  
fici.

**D**Vas aves lapillos quoq; cõficere (omissa Struthionis de ferri digestio. ne incerta historia) ex eo liquet, q̃ eos cū indies deglutiãt, ipsorũq; ventriculi semper iis redundantes, cum exenterantur, inueniantur, tamen nullos excernant, nec in ipsorum excrementis vllis deprehendantur. Quod & globulus precarius ex onyche in gallinæ stomacho inuentus & à me asferuatus, cuius media pars absumpta, foramenque quo perforatus erat, collapsum, occlusumque erat, simul comprobat. Felix Pläterus de observ. Parenti missis.

IECUR ANSERINVM MAGNI PON-  
deris.

**V**idimus iecur anserinum vncias 48. pondere excessisse, ganæ Iudæorum suavi gustu. Alex. Bened. l. 23. p. 433. pract.

COR GALLINÆ APOSTEMATIBUS  
stearthomatibus refertum, quibus ipsum quoq; hepar as-  
fectum erat.

**E**Go vidi cor Gallinæ ab Isabella Bononiensi vxore quõdam Mancinĩ emactatæ, vt ex ipsa in die accepti pharmaci reficeretur, quæ cristam rubeam, & oua etsi pauca in vtero gestabat. Quinque panis vel stea thomatibus apostematibus refertum, & non tãtum cor, sed hepar similibus panis erat repletum, & bene viuebat, quæ Dominus Ventura Venturinus Pisanus egregius physicus & anatomicus; & Dominus Angelus Antoninus Elpidianus Chirurgus non sine magna admiratione videre. Anto.


Portus Firmanus l. c. 12. p. 13. de peste, in 4. Venetiis excus.

BRV TORVM.  
ICON EPATIS GRANDIORIS  
*in tabida Gallina adiuventi.*

133

97.

97



98



R 2

VIR

**V**ir Clarissimus Ioannes Fridericus Trauelmannus, Electoris Mogū-  
tini Medicus, suis litteris ad Ioannem Schenckium Medicum, Parē-  
tem meum, sic habet: Dum anno octogesimo primo ad fratrem Archi-  
præfulis moderni proficisceretur, à nobili quodam, Ioanne Hugone à Schē-  
bergk, nepote Principis ex fratre, oblatum fuit mihi epar Gallinæ tabidæ,  
cuius Eiconem tibi transmitto, pendens vncias quinque cum dimidia.

Vnde contabuerit, tibi cogitandum relinquo, vel quia nimis calidum,  
vel quod ob magnitudinem omne alimentum in substantiam hepatis  
transferit, vnde & hectica vel suffocatio potuit oriri: non tamen huius oc-  
cassione periit, sed destinata in vsum ægri, ob marcorem reiecta fuit, epare  
referuato.

MONSTRVM IN OVO DEPRÆHEN-  
*sum humani capitis effigie cum dependentibus*  
*anguium spiris.*

98.

**A**Nno post natum Christum millesimo quingentesimo sexagesimo  
nono, decimo quinto mensis Martii, in quadam villa Burgundiæ,  
Baucheron dicta, præfens monstrosum ouum adinuentum est, quo per-  
fracto in mediis oui visceribus apparuit caput humanum, quod serpenti-  
no capillitio horribile visum est, cui etiam è mento barbæ loco tres an-  
gues seu serpenticuli penduli pronatique spectabantur. Cuius etiam me-  
minit Pareus in opere Chirurgico.

O V V M P V R P V R S V M.

**A**Ntonius Geta, qua hora Mediolani natus est, eodem momento gal-  
linam ovum in aula purpureum peperisse, nunciatum est. Spartian<sup>o</sup>.  
Vide caput de Agno eiusdem natali vellere purpureo nati.

O V V M P O R T E N T O S V M.

**H**abent & oua miracula sua. Vidisse se refert Albertus Ovum cū du-  
plici testa, atque inter primam & secundam solum album contine-  
batur, similiter intra primum corticem solum album inerat: nihil autē  
mirum natura sic ludēte: id solum difficile, quod sub molli durum cogat-  
tur:

tur: veruntamen existimandum est, vtramque tunicam simul factam, vbi exierit, ovum indurescere; tenacior autem pars, ex qua vitellus confici solet, in interiorem tunicam transferat: hæc atque similia quandoque contingunt. Card. de Variet. libr. 7.

capite 39.


\* \*  
\* \*

F I N I S.









I 302.

1. Mg 25

COUNTWAY LIBRARY OF MEDICINE

QM

691

S26

1609

RARE BOOKS DEPARTMENT

